

馬駱

刻義烏駱先生文集叙
夫中靖懷而不諭當其致有文
之用故情以披文，以相質則
文之致已顧胡論文者之固也
曰文人無行夫曰文人無行者
則慕組解車悅之中悃而閑外貌

駱序



其操業固然如咸陽韓非東京
息夫躬之徒作孤憤賦絕命詞
源炳矣幾傾十洲搖五嶽乃才
之為罪馭僮脂韋羊質而馬皮
則幾無行矣然余觀駱義烏之
於唐末路阻晉終身離憂比臨

方執庶幾乎兩人顧其附敬業
荷義戈志在掃捲搶而新日月
即沈淪首魄不失為節俠慷慨
之士彼實騫其行無人乎五步
之內銳於闕睫一擊不中卒以
不振若上老其才養晦俟時而

動五玉之烈方茲茂矣逮其為
文凝厚質而摠藻思雖浸深俳
偶氣乏爾雅之漸靡使然若歌
行古詩體制雅騷翩合度皆
其翦綵屬絢春華讓麗才去之
深致也足不朽矣顧余獨謂士

也才則不得絜其行即絜其行
之不得毀其才絜義烏之才也
者幾得以偉行掩奇絜義烏之
行也者幾得以高華晦節尤怪
行儉監儒課托衡鑿使與照隣
二三子益以器識論殿之稿以

榮名貌士也夫武林虞君更生
者古而雅言詩於初唐獨在裡
義烏因以暇蒐其金而間為之
故其著歸緣注自足行不朽嗟
嘆文以行重行以文遠是寧以
文士義烏義烏益不朽矣

萬曆辛卯三月社日千秋里人
汪道昆著并書



唐駱先生集卷一目錄

頌

靈泉頌

賦

蕩子從軍賦

螢火賦有序

五言古詩

詠懷古意上裴侍郎



遊德州贈高四 有序

在江南贈宋之問

國家圖書館, NATIONAL CENTRAL LIBRARY, TAIWAN, R.O.C.

按宋思禮事繼
母以孝聞補蕭
縣主簿會大旱
井池涸母羸疾
非泉水不遠口
思禮憂懼且禱
忽泉水出諸庭
味甘寒日不乏
汲縣人異之尉
柳冕為刻石勒
頌

唐駱先生集卷一

頌

靈泉頌 并引

辰玉王衡批釋
附諸名家叅評



聞夫玄功幽贊。靈心以有德是親。至道冥符。
篤行以通仁爲本。若乃天經地義。色養協于
因心。夏清冬溫。愛敬弘于錫類。下逮六幽之
奧。上洞三光之精。不有至誠。孰云斯感。有廣
平宋思禮。字過庭。皇朝永州刺史昉之嫡孫。

通篇最有結構
其轉換過接處
段之神遊幹旋
曲折

鍾惺曰四六何
必只用成語然
有文人四六有
詩人四六如羨
鳥諸篇文人而
無慧業者不能
狀旱之甚

形容泉之雅致
方見孝感

戶部員外順之長子。幼丁偏罰。早喪慈親。永
懷鞠育之恩。長增思慕之痛。弱不好弄。長而
能賢。趨庭聞詩禮之風。亢宗勗曾閔之行事。
後母徐。以至孝聞。北面與悲泣。高堂而咎已。
東遊下位。歡微祿以逮親。調露二年。來佐百
里。俯就微班之列。將申返哺之情。敬立身其
若斯。于從政乎。何有時歲亢旱。金石行銷。遠
近川源。殆將堙絕。濬井皆爲湯谷。通波盡化。

汚池。太夫人在遲暮之年。有溫勞之疾。非濫
漿不可以適口。非源泉不可以蠲疴。色養既
虧。憂惶靡訴。俄而聽堦之下。忽清泉自生。因
疏導其源。遂流注不竭。味甘若醴。氣冷如水。
此邑城控剡溪。地連禹穴。基址多石。岡阜無
津。爰自興建以來。曾微穿汲之利。非精神貫
于有道。純志決于無私。孰能洽冥貺以通幽
導靈泉而致養者也。昔漢臣忠烈。窮井飛于

此見是與思禮
交桓之厚故欲
需文以紀之

結處更說得有
餘不盡

琬琰玉板也

由通神而錫類
由錫類而寔名
三詩自有序次

一言。姜婦孝思。潛波移于七里。靜惟陳迹。彼
亦何人。蕭縣尉柳晃。耿介之士也。道合則金
蘭若膠漆。情異則軒冕猶塵泥。片善可嘉。朝
聞。甘于夕。歿一諾。猶重黃金。賤于白圭。以爲
執友。素交。豈利祿輕肥之謂也。賞音達禮。寧
鐘鼓玉帛之云乎。所耻者沒而無稱。所貴者
存乎不朽。徒懷美志。未遇良材。某出贊荒隅。
途經勝壤。三秋客恨。長懷宋王之悲。一面交

歡。暫雪桓譚之涕。觀斯水之清泚。感若人之
精誠。見賢思齊。仰珪璋而有地。揮毫興頌。鏤
琬琰以無慙。乃作頌曰。

粵若稽古。厥初生民。其誰不孝。獨我難倫。義不
悖道。仁不遺親。愛敬盡力。孝弟通神。
顧我罔極。因心感至。冥契動天。甘泉湧地。泠泠
無竭。蒸蒸不匱。曾是我私。永錫爾類。

爰有芳人。景行芳塵。事諸則感。道洽斯親。孝爲

禮主名是實賓。儻斯文之不陞。知盛德之有隣。

賦

蕩子從軍賦

皇甫汈曰蕩子從軍賦中之詩

此賦作散體文。雖繁得又與六朝不類。若七言古詩。然其格始于江淹。別賦而引拓之。蓋亦當時之體。杜子美云。王揚盧駱當時體。此之謂也。銅焦即刁斗軍中用之。

胡兵十萬起妖氛。漢騎三千掃陣雲。隱隱地中鳴戰鼓。迢迢天上出將軍。邊沙遠離風塵氣。塞草長萎霜露文。蕩子辛苦十年行。回首關山萬里情。遠天橫劍氣。邊地聚笳聲。鐵騎朝常警。銅焦夜不鳴。抗左賢而列陣。比右校以疏營。滄波

徽音叫邊塞也

拔距如今之飛

積凍連蒲海。雨雪凝寒徧柳城。若乃地分玄微。路指清波。邊城煖氣從來少。關塞寒雲本自多。嚴風凜凜。將軍樹苦霧蒼蒼。太史河既拔距而從軍。且揚麾而挑戰。征旆凌沙漠。戎衣犯霜霰。樓船一舉爭沸騰。烽火四連相隱見。戈文耿耿懸落星。馬足駸駸擁飛電。終取雋而先鳴。豈論功而後殿。征夫行樂踐榆溪。倡婦銜怨坐空閨。一作守靡蕪舊曲終難贈。芍藥新詩豈易題。池前怯對

描寫征婦思夫
情景凄其婉

鴛鴦伴。庭際羞看桃李蹊。花有情而獨笑。鳥無
恨而恒啼。蕩于別來年月久。賤妾空房更難守。
鳳皇樓上罷吹簫。鸚鵡杯中休勸酒。聞道書來
一鴈飛。此時緘怨下鳴機。裁鴛帖。夜被薰麝染。
春衣屏風宛轉蓮花帳。夜月聆隴翡翠圍箇日。
新粧始復罷。祇應含笑待君歸。

螢火賦 有序

余猥以明時。又遭幽繫。見一葉之已落。知四

之文

莊履豐曰此序
叙所以在獄賦
螢之意其辭類
離騷
讀凄然悲於兩
語真足懷楚

吳臨平岸出
一石鼓擊之無
聲張華曰蜀有
梧桐刻為魚形
擊之則鳴

運之將終。悽然客之為心乎。悲哉秋之為氣
也。光陰無幾。時事如何。大塊是勞生之機。小
智非周身之務。嗟乎。綈袍匪舊。白首如新。誰
明公治之非。孰辨臧倉之愬。是用中宵而作。
達旦不瞑。觀茲流螢之自明。哀此覆盆之難
照。夫類同而心異者。龍蹲歸而宋樹伐。質殊
而聲合者。魚形出而吳石鳴。苟有會于精靈。
夫何患于異類。況乘時而變。含氣而生。雖造

高議曰此以信
仁智義勇詠黃
六寓自况之意
賦中三數行此
數句

丹鳥螢也

高議曰首八句
言螢之形質此
四句言螢方生

之時
火齊夜光皆珠
名

極狀螢之光明
飛也所謂休物
格也以賦中而
作對句蓋此
皆古朝之習

化之不殊。亦昆蟲之一物。應節不憊。信也。與
物不競。仁也。逢昏不昧。智也。避日不明。義也。
臨危不懼。勇也。事有沿情而動興。因物而多
懷。感而賦之。聊以自廣云爾。

伊玄功之播氣。有丹鳥之賦象。順陰陽而亭毒。
資變化而含養。每寒潛而暑至。若知來而藏往。
既發輝以外融。亦含光而內朗。若夫小暑南收。
大火西流。林塘改夏。雲物凝秋。忽臨虛而赴遠。

乍排叢而出幽。如火齊之宵映。若夜光之暗投。
逝將歸而未返。忽欲去而中留。入槐榆而焰發。
若攻燧而改周。繞堂皇而泛影。疑秉燭以嬉遊。
點綴懸珠之網。隱映落星之樓。乍滅乍興。或聚
或散。居無定所。習無常翫。曳影周流。飄光凌亂。
泛豔乎池沼。徘徊乎林岸。狀火井之沉熒。似明
珠之出漢。值衝颺之不烈。逢淫雨而逾煥。炤灼
兮若湛盧之夜飛。灼爍兮像招搖之夕爛。與庭

范醇敦曰一螢
火之微直說到
玄妙處時宜不
欺明義應時之
句奇哉奇哉

有美乎螢若在
此數句
陽燧石名向日
照之則火光出
以依道之則然

燎而相炫。燃重陰于已昏。共燭火而齊息。避太
陽于始旦。爾其光不周物。明足自資。偶仙鼠而
伺夜。對飛蛾之赴燔。類君子之有道。入暗室而
不欺。同至人之無迹。懷明義以應時。處幽不昧。
居照斯晦。隨隱顯而動息。候昏明以進退。委性
命兮幽玄。任物理兮推遷。化腐木而含彩。集枯
草而藏烟。不貪熱以苟進。每和光而曲全。豈鎔
金而自燦。寧膏火之相煎。陋蟬蛻之易蛻。休螻

蟻之慕羶。匪傷蜉蝣之夕。不羨龜鶴之年。捨榆
飛而控地。搏扶起而垂天。雖小大之殊品。豈逍
遙之異筌。夫何化之斯化。無使然而自然。若乃
有來斯通。無往不至。排朱門而獨遠。昇青雲而
自致。匪偷光于隣壁。寧假輝于陽燧。終徇已以
致能。靡因人而成事。物有感而情動。迹或均而
心異。響必應之于同聲。道固從之于同類。殆未
明于趨舍。庸詎識其旨意。子尚不知魚之爲樂。

淮南子曰牛哀
人名病七日化
而為虎

到此方說在本
身上去

范醇敬曰已上
悉論變化之理
而獨傷已之獄
未真其得脫意

言已若不來時
主功塞外愁歲
月易流歎名不
主徒居京師為
可惜耳此即賈
誼請纓終軍棄
編之意

吾又安知螿之為利。高明兮有融。遷變兮無窮。
牛哀倏而化虎。羽泉忽兮生熊。血三年而藏碧。
魂一變而成虹。知戰場之有燐。悟冤獄之為蟲。
彼翺飛之弱質。尚矯翼而凌空。何微生之多蹟。
獨宛頸以觸籠。異壁光之照廡。同劍影之埋豐。
覲道迷而可復。庶幽鑒而或通。覽光華而自照。
顧形影以相弔。感秋夕以殷憂。歎宵行以熠燿。
熠燿飛兮絕復連。殷憂積兮明且煎。見流光之

不息。愴驚魂之屢遷。如過隙兮已矣。同奔雷兮
忽焉。儻餘光之可照。庶寒灰之重燃。

五言古詩

五言起于蘇李然夏敬楚諛間用五字成
句雖句法未全造五言之體也

懷古意上裴侍御

即裴行儉

三十二餘罷。鬢是潘安仁。四十九仍入。年非朱
買臣縱。橫愁繫越。坎壈倦遊秦。出籠窮短翮。委
轍涸枯鱗。磨鉛不需用。彈鋏欲誰申。天子未驅
策。歲月幾沉淪。輕生長慷慨。効死獨慙慙。徒歌

易水客。空老涓川人。一得視邊塞。萬里何苦辛。
劔匣胡霜影。弓開漢月輪。金方動秋色。鐵騎拍
風塵。爲國堅誠款。捐軀忘賤貧。勒功思比憲。決
策暗欺陳。若不犯霜雪。虛擲玉京春。

夏日遊德州贈高四

有序

夫在心爲志。發言爲詩。詩有不得盡言。言有
不得盡意。僕少負不羈。長逾虛誕。讀書頗存
涉獵。學劔不待窮工。進不能矯翰龍雲。退不

能棲神豹隱。撫循諸已。深覺勞生而太夫人
在堂。義須捧檄。因仰長安而就日。赴帝鄉以
望雲。雖史闕三冬。而書勞十上。嗟乎。入門自
媚。誰相謂言。致使君門隔于九重。中堂遠于
千里。旣而交非得免。路是亡羊。幸而敬止。敝
廬竭來初服。遂得載披玉葉。款洽金蘭。傾意
氣于一言。締風期于千祀。雖交因意合。資得
意以敦交。道契言忘。少寄言而筌道。是以輕

只就家常寫出
自是俊逸

惡音傳
醉一作嗜

此篇首叙山川風物之盛以美高次叙其相遇之厚繼而自述流落之感身將歸隱而有望于高之汲引亦詩人白駒空谷之義也

翟公孫相門可
雀

空者取魚器也

投木毒救我疏麻。章句繁蕪。心神規惠。庶醇
雅韻。竹辱報章。則紫氣連星。開龍文于劍匣。
素輝虧月。領驪領于珠胎云爾。

日觀降全趙。星臨俯舊吳。隔津開巨浸。稽阜鎮
名都。劍名紫雲浮劍匣。青山孕寶符。封疆恢霸道。問
鼎兢雄圖。神光包四大。皇威震八區。風烟通地
軸。星象正天樞。天樞限南北。地軸殊鄉國。闢門
通舜賓。比屋封堯德。言謝垂鈞隱。來叅負鼎職。

天子不見知。群公詎相識。未展從東駿。空戰圖
南翼。時命欲何言。撫膺長歎息。歎息將如何。遊
人意氣多。白雲梁山曲。寒風易水歌。泣魏傷吳
起。思趙切廉頗。淒斷韓王劍。生死翟公羅。羅悲
翟公意。劍負韓王氣。驕餌去易論。忌途良可畏。
夙昔懷江海。平生混涇渭。千載契風雲。一言忘
賤貴。去去訪林泉。空谷有遺賢。此言高訪已言投爵里刺。來
泛野人難。緜交君贈編。投分我忘筌。成風郢匠

新流水。伯牙琴。子孫志道術。津濱恣閑逸。聊安
 張蔚廬。詎掃陳蕃室。虛室狎招尋。敬愛混浮沉。
 一諾黃金信。三復白圭心。此贊高霜松貞雅節。月桂朗
 冲襟。靈臺萬頃濬。學府九流深。談玄明。毀壁拾
 紫陋。籛金鷺濤開碧海。鳳彩綴詞林。林虛星華
 映。水澈霞光淨。霞水兩分紅。川源四望通。霧卷
 天山靜。烟銷太史空。鳥聲流迥薄。蝶影亂芳叢。
 柳陰低繫水。荷氣上薰風。風月芳菲節。物華紛
 可悅。將歡促席賞。遽爾言歸別。積水帶吳門。通
 波連禹穴。此叙別贈言雖欲盡。機心庶應絕。潘岳本自
 閑。梁鴻不因熱。一瓢欣狎道。三月聊棲拙。樓拙
 隱金華。狎道訪仙查。放曠愚公谷。消散野人家。
 一頃南山豆。五色東陵瓜。野衣裁薜荔。山酒酌
 藤花。白雲離望遠。青溪隱路賒。倘憶幽巖桂。猶
 冀新疎麻。

卷之四

集

議論精明文勢
負活引喻典實
可稱千古絕調

墨子曰楚之明
月生於群廣
尸子云凡水其
方折者有玉其
負折者有珠

憲概之語自別

井絡雙源濬。陽侯九派長。淪波通地穴。委輪下
歸塘。別島籠朝屨。連洲擁夕陽。韞珠成積潤。讓
璧動浮光。浮光疑折水。積潤疎圓沚。玉輪涵地
開。劔匣連星起。風烟標迥秀。英靈信多美。懷德
踐遺芳。端操慙謀已。謀已謬觀光。牽迹強悽惶。
揆拙迷三省。勞生昧兩忘。彈隋空勸笑。獻楚自
多傷。一朝殊語默。千里異炎涼。炎涼幾遷貿。川
陸疲臻湊。積水架吳濤。連山橫楚岫。風月雖殊
昔。星河猶是舊。姑蘇望南浦。邯鄲通北走。北走
平生親。南浦別離津。瀟湘一超忽。洞庭多苦辛。
秋江無綠芷。寒汀有白蘋。采之將何遺。故人漳
水濱。漳濱已遼遠。江潭未旋返。爲聽短歌行。尚
想長洲苑。露金薰菊岸。風珮搖蘭坂。蟬鳴稻葉
秋。鴈起蘆花晚。晚秋雲日明。亭臯風露清。獨負
平生氣。空牽搖落情。占星非聚德。夢月詎懸名。
寂寥傷楚奏。淒斷泣秦聲。秦聲懷舊里。楚奏悲

言世無推較用
之者

無已。郢路少知音。叢臺富奇士。溫輝凌愛日。壯
氣驚寒水。一顧重風雲。三冬足文史。文史盛紛
紛。京洛多風塵。猶輕五車富。未奉一囊貧。李仙
非易託。蘇鬼曲難因。不惜勞歌盡。誰爲聽陽春。

唐駱先生集卷二目錄

五言律詩

春雲處處生

白雲抱幽石

秋日送陳文林陸道士有序

送鄭少府入遼

送費六還蜀

秋日送侯四

秋目送尹大赴京 有序

秋夜送閻五還潤州 有序

送王明府上京參選

秋日送別

別李嶠得勝字

在兗州餞宋五

遊靈公觀

夏日遊山家同夏少府

夏日遊日聊作

同崔駙馬曉初登樓思京

初秋登司馬樓宴 有序

初秋于竇六郎宅宴詩 有序

春夜韋明府宅宴

冬日宴

饒雞子

詠雲酒

詠美人在天津橋

於紫雲觀贈道士 有序

在獄詠蟬 併序

途中有懷

出石門

至分陝

至汾水戍

北眺春陵

望鄉夕泛

久客臨海有懷

遊兖部孔君自衛來欣然相遇若舊

西京守歲

同辛簿簡仰酌思玄上人林泉四首

憲臺出紮寒夜有懷

月夜有懷簡諸同病

送郭少府探得憂字

送宋五之間得涼字

冬日過故人任處士書齋

詠塵灰

秋晨同淄川毛司馬九咏秋風

秋雲

秋蟬

秋露

秋月

秋水

秋螢

秋菊

秋鴈

咏鴈

王昭君

咏雪

咏水

樂大夫挽詩五首

丹陽刺史挽詩三首

餞駱四得鍾字二首

渡瓜步

唐駱先生集卷二

五言律詩

律詩之興雖自唐始蓋由梁陳以來儷句之漸也

春雲處處生

千里年光靜。四面春雲生。繁日祥光舉。疎雲瑞
葉輕。蓋陰籠迥樹。陣影抱危城。非將吳會遠。飄
蕩帝鄉情。

白雲抱幽石

重巖抱危石。幽澗曳輕雲。繞瑱仙衣動。飄蓮羽

皇甫汭曰賓王
全用平韻更無
仄字終篇者

此因雲與感仰
太白鳳凰臺末
句悅為浮雲能
蔽日長安不見
使人愁之義言
小人蔽君使已
不見用也

蓋分錦色連花靜。苔光帶葉薰。詎知吳會影長
抱穀城文。

秋日餞陸道士陳文林 有序

陸道士將遊西輔。通莊指浮氣之關。陳文林
言返東吳。脩途走落星之浦。于是維舟錦水。
藉蘭若以開筵。緹騎金隄。泛榴花于祖道。于
時赤爍紀節。白帝司神。霜鴈銜蘆。舉賓行而
候氣寒。蟬噪柳帶涼序。以含情加以山接太

行聳羊腸而飛蓋。河通少海。疏馬頰以開瀾。
登高切送歸之情。臨流感逝水之歎。既而嗟
別路之難駐。惜離樽之易傾。雖漆園筌蹄已
忘言于道術。而陟陽風雨。貴抒情于詠歌。各
賦五言。同爲四韻。庶幾別後有暢離憂。

青牛遊華岳。赤馬走吳宮。玉柱離鴻怨。金罍浮
蟻空。日霽峭陵雨。塵起陟陽風。唯當玄度月。千
里與君同。

桑乾河名

晉書高祖掩月
古每以弓擬月

送鄭少府入邊

邊烽警榆塞。俠客度桑乾。柳葉開銀鎖。桃花照
玉鞍。滿月臨弓影。連星入劍端。不學燕丹客。空
歌易水寒。

送費六還蜀

星樓望蜀道。月峽指吳門。萬行流別淚。九折切
驚魂。雪影含花落。雲陰帶葉昏。還當三逕晚。獨
對一清尊。

秋日送侯四

我留安豹隱。君去學鵬搏。岐路分襟易。風雲促
膝難。夕漲流波急。秋山落日寒。唯有思歸引。淒
斷為君彈。

秋日送尹大赴京

有序

尹大官三冬業暢。指南臺而拾青。薛六郎四
海情深。飛桂尊而舉白。于時兔華東上。龍火
西流。劍彩沉波。碎楚蘭于秋水。金暉照岸。秀

清標遠度筆墨
間都是靈氣

通篇雅重沉着
非晚唐筆力可
到

描秋處每篇各
一景色工巧之
甚

揚雄云鴻翼勵
翰此自喻之辭

陶菊于寒隄。既切送歸之情。彌軫窮途之感。
重以清江帶地。問吳會于星津。白雲在天。望
長安于日路。人之情也。能不悲乎。雖道術相
忘。叶神交于靈府。而風烟懸隔。貴申心于翰
林。清振詞鋒。同開筆海。人爲四韻。用慰九秋。
挂瓢余隱愛。負鼎爾干湯。竹葉離樽滿。桃花別
路長。低河耿秋色。落日抱寒光。素書如可嗣。幽
谷竚賓行。

秋夜送閻五還潤州

有序

閻五官言返維桑。修途指金陵之地。李六郎
交深投漆。開筵浮白玉之尊。于時璧彩澄空。
漏輕光于雲葉。珪陰散迥。搖碎影于風梧。雖
桂醕蘭缸。暫淹留于一夕。而青山黃鶴。將惆
悵于九秋。請勒四言。俱申五際。

通莊抵舊里。溝水急新知。斷雲飄易滯。連露積
難披。憊風啼迥堞。驚月遶疎枝。無力勵短翰。輕

舉送長離。

送王明府上京參選

振衣遊紫府。飛蓋背青田。虛心恒警露。孤影尚
凌煙。離歌凄妙曲。別引遶繁絃。在陰如可和。清
響會聞天。

秋日送別

寂寥心事晚。搖落歲時秋。共此傷年髮。相看惜
去留。當歌應破涕。哀命返窮愁。別後能相憶。東
陵有故侯。

別李嶠得勝字

芳樽徒自滿。別恨轉難勝。客似遊江岸。人疑上
灞陵。寒更承夜永。涼景向秋澄。離心何以贈。自
有玉壺冰。

在兗州餞宋五

淮。左。泗。水。地。梁。甫。汶。陽。東。別。路。青。驪。遠。離。樽。綠
巖。空。柳。寒。凋。密。翠。棠。晚。落。疎。紅。別。後。相。思。曲。淒

照景句佳

此專以霍喻未
二句通篇生色

劉琨云舉薦對
勝破涕為笑

斷入琴風。

遊靈公觀

靈峯標勝境。神府枕通川。玉殿斜臨漢。金堂迥
架烟。斷風疎晚竹。流水切寒絃。別有青門外。空
懷玄圃仙。

夏日遊山家同夏少府

返照下層岑。物外狎招尋。蘭徑薰幽佩。槐庭落
暗金。谷靜風聲徹。山空月色深。一遣樊籠累。唯

餘松桂心。

夏日遊目聊作

暫屏囂塵累。言尋物外情。致逸心逾默。神幽體
自輕。浦夏荷香滿。田秋麥氣清。詎假滄浪上。將
濯楚臣纓。

同崔駙馬曉初登樓思京

麗樵通四望。繁憂起萬端。綺疏低曉魄。鏤檻肅
初寒。白雲鄉思遠。黃圖歸路難。唯餘西向笑。暫

頤嶺曰幽意絕
人

頤嶺曰高不可
及

浦夏曰秋字倒
用奇

綺疏窗戶格子

餘一作應

似當長安。

初秋登司馬樓宴 有序

司馬公千里騰光翼外臺而展足九日多暇。
敞麗樵以開筵。于時葭散秋灰。檀移夏火。鴻
飛漸陸。流斷吹以來寒。鶴鳴在陰。上中天而
警露。于是脩開玉饌。交雜佩以薰蘭。酒泛金
翹。映清罇而湛菊。雖傍臨廣派。有異漳渠之
遊。而俯瞰崇墉。雅叶城隅之會。物色相召。江

山助人。請振翰林用濡筆海。

展驥端居暇。登龍嘉宴同。締賞三清滿。承歡六
義通。野晦寒陰積。潭虛夕照空。顧慙非夢鳥。濫
此廁彫蟲。

初秋於竇六郎宅宴詩 有序

六郎道合采葵。嘯懸鶉而契賞。諸君情諧伐
木。仰登龍以締交。于時一葉驚寒。下陳柯而
捲翠。百花凝照。淡虛牖以披紅。既而俱欣得

慕詞麗語意更
悠揚

揚雄以詩賦為
雕虫小技

即事作頌對景
生情何等超脫

勝一作聲

兔之情。共掩亡羊之淚。物我雙致。匪石席以
言蘭。心口兩齊。混汗隆而酌桂。雖忘筌戴笠。
與交態于靈臺。而擗管操觚。叶神心于勝氣。
曷陳六義。請賦一言。卽事凝毫。成者先唱。
千里風雲契。一朝心賞同。意盡深交洽。神靈俗
累空。草帶銷寒翠。花枝發夜紅。惟將淡若水。長
挹古人風。

春夜韋明府宅宴

酌桂陶芳夜。披薜嘯幽人。雅琴馴魯雉。清歌落
范塵。宿雲低迥蓋。殘月上虛輪。幸此承恩洽。聊
當故鄉人。

冬日宴

二。三。物。外。友。一。百。杖。頭。錢。賞。洽。袁。公。地。情。披。樂。
令。天。促。膝。鸞。觴。滿。當。爐。獸。炭。然。何。須。攀。桂。樹。逢
此。自。留。連。

鑊鷄子

如此說景極易
極難

按夜字甚異

唐俗清明節錢
維子為人物花
卉之形以相遺

中山何千日酒
王世貞曰飲千
日酒至期發塚
而醒人知有刘
玄石而不知有
鄭英

幸遇清明節。欣逢舊練人。刻花爭臉態。寫月競
眉新。暈罷空餘月。詩成併道春。誰知懷王者。含
譽未吟晨。

詠雲酒

朔空曾紀歷。帶地舊疏泉。色泛臨碣瑞。香流赴
蜀仙。款交欣散玉。怡友悅沉錢。無復中山賞。空
吟吳會篇。

詠美人在天津橋

美女出東隣。容與在天津。動衣香滿路。移步襪
生塵。水下看粧影。眉頭畫月新。寄言曹子建。箇
是洛川神。

於紫雲觀贈道士 有序

余鄉國一辭。江山萬里。昔年離別。還同塞北
之鳧。今日歸來。卽似遼東之鶴。先生情均得
兔。忘筌之契已深。路是亡羊。分岐之恨逾切。
不題短什。何汰寒襟。

鍾惺曰思理韻

致是四六中一

篇小題絕佳文

字

羅大經曰賈王

咏蟬之作其神

全矣其曾無疑

之于草虫乎

鍾惺曰造格佳
妙何不移之于
詩

譚元春曰有目

斯開妙在斯字

有異自薄自字

尤不可思议

鍾惺曰俗厚厚

字形容好咲清

畏人知用未悅

蟬妙絕

碧落澄秋景。玄門啓曙闕。人疑列禦至。客似令
威還羽蓋徒忻仰。雲車未可攀。只應傾玉醴。時
許寄顏顏。

在獄詠蟬 有序

予禁所禁垣西。是法曹聽事也。有古槐數株
焉。雖生意可知。同殷仲文之古樹。聽訟斯在。
卽周召伯之甘棠。每至夕照低陰。秋蟬疎引。
發聲幽息。有切常聞。豈人心異於曩時。將蟲

響悲乎前聽。嗟乎。聲以動容。德以象賢。故潔
其身也。稟君子達人之高行。蛻其皮也。有仙
都羽化之靈姿。候時而來。順陰陽之數。應節
爲變。審藏用之機。有目斯開。不以道昏而昧
其視。有翼自薄。不以俗厚而易其真。吟喬樹
之微風。韻資天縱。飲高秋之墜露。清畏人知。
僕失路艱虞。遭時徽纆。不哀傷而自怨。未搖
落而先衰。聞蟬姑之有聲。悟平反之已奏。見

鍾惺曰信高潔
三字森挺不肯
自下

螳螂之避影。怯危機之未安。感而綴詩。貽諸
知己。庶情洽物應。哀弱羽之飄零。道寄人知。
憫餘聲之寂寞。非謂文墨。取代幽憂。

西陸蟬聲唱。南冠客思侵。那堪玄鬢影。來對白
頭吟。露重飛難進。風多響易沉。無人信高潔。誰
爲表予心。

途中有懷

睠然懷楚奏。悵矣背秦關。涸鱗驚煦輒。墜羽怯
虛鸞。素服三川化。烏裘十上還。莫言無皓齒。時
俗薄朱顏。

出石門

層巒遠接天。絕嶺上樓烟。松低輕蓋偃。藤細弱
鈎懸。石明如挂鏡。苔分似列錢。暫策爲龍杖。何
處得神仙。

至分陝

陝西開勝壤。召南分沃疇。列樹巢維鵲。平渚下

離鳩。愁索疑勿剪。與葛似拳拳。至今王化美。非
獨在隆周。

至汾水戍

行役忽離憂。復此恰分流。澗石迴湍咽。繁叢曲
澗幽。陰崖常結晦。宿莽競含秋。況乃霜晨早。寒
風入戍樓。

北眺春陵

總轡疲宵邁。驅馬倦晨興。旣出封泥谷。還過避

雨陵。山明行照上。谿宿密雲蒸。登高徒欲賦。詞
殫獨撫膺。

望鄉夕泛

歸懷到不安。促榜犯風濤。落宿舍樓近。浮月帶
江寒。喜遂行前志。憂從望裏寬。今夜南枝鵲。應
無繞樹難。

久客臨海有懷

天涯非目觀。地岳望星樓。練光搖亂馬。劍氣上

中四句馬法
原末二句說戍

渡港川宿四字
落得有致

眼前点綴便成
佳語

連牛草濕姑蘇夕。葉下洞庭秋。欲知淒斷意。江上步安流。

遊克部逢孔君自衛來欣然相遇若舊

遊人自衛返。客背隔淮來。傾蓋金蘭合。忘筌玉葉開。繁華明月柳。疎蘂落風梅。將期重交態。時慰不然灰。

西京守歲

閑居寡言宴。獨坐慘風塵。忽見嚴冬盡。方知列

宿春夜將寒色。去年共曉光。新耿耿他鄉夕。無由展舊親。

同辛簿簡仰酬思玄上人林泉四首

聞君招隱地。髣髴武陵春。緝芟知遠楚。披蓊似避秦。崩杳年祀積。幽草歲時新。一謝滄浪水。安知有逸人。

其二

芳晨臨上月。幽賞狎中園。有蝶堪成夢。無羊可

暮欣過在末二

讀元稹歲日詩

一日今年始一

年前事空淒涼

百年事應與一

年同不覺憮然

意格猶勝羨鳥

觸藩忘懷南。澗藻獨思北。堂萱坐歎華。滋歇思君誰爲言。

其三

林泉恣歷賞。風景暫徘徊。客有遷鶯處。人無結駟來。聚花如薄雪。沸水若輕雷。今日徒招隱。終知異鑿坏。

其四

俗遠風塵隔。春還初服遲。林疑中散地。人似上皇時。芳杜湘君曲。幽蘭楚客詞。山中有春草。長似寄相思。

憲臺出紮寒夜有懷

獨坐懷明發。長謠苦未安。自應迷北叟。誰肯問南冠。生死交情異。殷憂歲序闌。空餘朝夕鳥。相伴夜啼寒。

月夜有懷簡諸同寮

兩庭落景盡。疎簾夜月通。山靈響似鹿。水淨望

頤璿曰起得高
占畧無粉色而
情境俱稱悲慨

頤璿曰緩語多
情

如空樓。枝猶透。鵲道渚。未來鴻。可歎高樓婦。悲思杳難終。

送郭少府探得憂字

開筵杭德水。輟棹艤仙舟。貝闕桃花浪。龍門竹箭流。當歌淒別曲。對酒泣離憂。還望青門外。空見白雲浮。

送宋五之問得涼字

願言游泗水。支離去二漳。道術君所篤。筌蹄余自忘。雪威侵竹冷。秋爽帶池涼。欲驗離襟切。岐路在他鄉。

冬日過故人任處士書齋

神交尚投漆。虛室罷遊蘭。網積窓文亂。苔深履迹殘。雪明書帳冷。水淨墨池寒。獨此琴臺上。流水爲誰彈。

詠塵灰

洛川流雅韻。秦道擅苛威。聽歌梁上動。應律管

孫。帆。遠。影。碧。空。
盡。惟。見。長。江。天。
際。流。與。此。同。象。
而。音。節。風。格。更。
勝。

膠漆金蘭俱從
故人上着眼

中飛光飄神女襪。影落羽人衣。願言心未翳。終冀效輕微。

秋晨同淄州毛司馬九咏秋風

紫陌炎氣歇。青蘋晚吹浮。亂竹搖疎影。繁池織細流。飄香曳舞袖。帶粉泛粧樓。不分君恩絕。紈扇曲中秋。

秋雲

南陸銅渾改。西郊玉葉輕。泛影搖光動。臨空瑞色明。蓋陰連鳳闕。陣影翼龍城。誰知時不遇。空傷留滯情。

秋蟬

九秋行已暮。一枝聊暫安。隱榆非諫楚。噪柳異悲潘。分形粧薄髮。鏤影飾危冠。自憐疎影斷。荒林夕吹寒。

秋露

玉關寒氣早。金塘秋色歸。泛掌光逾淨。添荷滴

咏秋數首一時
情興適與景會
写得清新流麗
又極哀怨所以
為難

方虛谷云不覺
入工

漸微。變霜凝曉液。承月表圓輝。別有吳臺上。應
濕楚臣衣。

秋月

雲披玉繩淨。月滿鏡輪圓。裊露珠暉冷。凌霜桂
影寒。漏彩含疎簿。浮光漾急瀾。西園空自賞。南
飛終未安。

秋水

貝闕寒流徹。玉輪秋浪清。圓雲錦色淨。寫月練

花明。泛曲鶖絃動。隨軒鳳轄輕。唯將御溝上。淒
斷送歸情。

秋螢

玉虬分靜夜。金螢照晚涼。含輝疑泛月。帶火怯
凌霜。散彩縈虛牖。飄花繞洞房。下帷如不倦。當
解借餘光。

秋菊

雅秀三秋晚。幽香十步中。分黃俱笑日。含翠共

譚元春曰此公
詩極帶極拙似
此前句佳者
又以後四語不
稱點之則無詩
矣
又曰作螢詩即
想用螢螢事非
名手所為

搖風碎影臨流動。浮香隔岸通。金翹徒可泛。玉
學竟誰同。

秋鴈

聯翩辭海曲。搖曳指江干。陣去金河冷。書歸玉
塞寒。帶月凌空易。迷烟逗浦難。何當同顧影。刷
羽向清瀾。

咏鴈

唼藻滄江遠。銜蘆紫塞長。霧深迷晚景。風急斷
秋行。陣照通宵月。書封幾夜霜。無復能鳴分。空
知愧稻梁。

王昭君

斂容辭豹尾。緘怨度龍鱗。金鈿明漢月。玉筋染
胡塵。古鏡菱花暗。愁眉柳葉嚙。唯有清笳曲。時
同芳樹春。

詠雪

龍雲玉葉上。鶴雪瑞花新。影亂銅烏吸。光銷玉

漢月曰明胡塵
曰紫字中有骨

馬津含輝明素策。騰迹表祥輪。幽蘭不可儷。徒
自繞陽春。

詠水

列名通地紀。疎派合天津。波隨月色淨。態逐桃
花春。照霞如隱石。映柳若沉鱗。終當挹上善。屬
意淡交人。

樂大夫挽詞五首

可歎浮生促。吁嗟此路難。丘陵一起恨。言笑幾

時懽。蕭索郊埏晚。荒涼井陘寒。誰當門下客。獨
有見任安。

其二

蒿里誰家地。松門何代丘。百年三萬日。一別幾
千秋。返照寒無影。窮泉凍不流。居然同物化。何
處欲藏舟。

其三

雪去梅館發。今來燕鶯稀。形勝朝帝闕。丹旄背

生時雖久不過
三萬日死後千
秋竟不可知二
句形容可悲可
注

王畿城郭猶疑是。原陵稍覺非。九京如可作。千載與誰歸。

其四

一旦先朝菌。千秋掩夜臺。青烏新兆去。白馬故人來。草露當春泣。松風向暮哀。寧知荒隴外。弔鶴自徘徊。

其五

忽見靈臺路。猶疑水鏡懸。何如開白日。非復覩青天。華表迎千歲。幽局送百年。獨嗟流水引。長掩伯牙絃。

丹陽刺史挽詞

百齡嗟倏忽。一旦附山阿。丹桂銷亡盡。青松哀思多。薰風應聽曲。薤露反成歌。自有藏舟處。誰憐隙駟過。

其二

側愴恒山羽。留連稊萼篇。佳城非舊日。京兆卽

悽婉而味悠長

情思容恰中間
多少怨恨

新阡城郭三千歲。丘陵幾萬年。唯餘松栢隴朝
夕起寒烟。

其三

短歌三獻曲。長夜九泉臺。此室玄扃掩。何年白
日開。荒郊疎古木。寒隧積陳芟。獨此傷心地。松
聲薄暮來。

餞駱四得鍾字二首

平生何以樂。斗酒夜相逢。曲中驚別緒。醉裏失
愁容。星朗懸秋漢。風香入曙鐘。明日臨溝水。青
山幾萬重。

其二

甲第驅車入。良宵秉燭遊。人追竹林會。酒獻菊
花秋。霜吹飄無已。星河漫不流。重嗟歡賞地。翻
召別離憂。

渡瓜步

檣檝辭幽徑。鳴榔下貴洲。驚濤疑躍馬。積氣似

詩思宏麗開闔
變化尤深典雅

形擬渡處如西

連牛。月。迥。黃。沙。淨。風。急。夜。江。秋。不。學。浮。雲。影。他。
鄉。空。滯。留。

唐駱先生集卷三目錄

五言排律

浮槎詩

併序

送吳七遊蜀

春霽早行

秋日山行簡梁大官

晚度天山有懷京邑

晚泊河曲



晚泊蒲類

晚渡黃河

早發淮口望盱眙

遠使海曲春夜多懷

晚泊江鎮

早發諸暨

晚憇田家

宿山庄

過張平子墓

邊城落日

蓬萊鎮

宿溫城望軍營

和孫長史秋日臥病

四月八日題七級

早秋出塞寄東臺詳政學士

鄭安陽入蜀

在軍中贈先還知己

夏夜憶張二

和李明府

望月有所思

寓居洛濱對雪憶謝二

西行別東臺詳正學士

春晚從李長史遊開道林故山

和王記室從趙王春日遊陀山寺

夕次舊吳

過故宋

傷祝阿王明府

併序

詠懷

邊夜有懷

久戍邊城有懷京邑

幽繫書情通簡知己

寒夜獨坐遊子多懷簡知己

敘寄員半千

棹歌行

冬日野望

五言絕句

在軍登城樓

於易水送人一絕

詠照

檉燈杖

詠塵

玩初月

雜言

詠鷺

排律之作其源
自顏謝諸人古
詩之交音首尾
排句聯對精密
與古詩差別

此借浮槎以自
喻言已雖有材
不能全身遠害
以罹于禍又自
喻其材之上可
用與有憐而收
之者

唐駱先生集卷三

五言排律

浮槎

有序

遊目川上觀一浮槎。汎汎然若木偶之乘流。
迷不知其所適也。觀其根抵盤屈。枝幹扶疎。
大則有棟梁舟楫之材。小則有輪轅榱桷之
用。非夫稟乾坤之秀氣。含宇宙之淳精。孰能
負。凌。雲。翳。日。之。姿。抱。積。雪。封。霜。之。骨。向。使。懷



國家圖書館, NATIONAL CENTRAL LIBRARY, TAIWAN, R.O.C.

迹一作履

材。幽。藪。藏。類。重。岩。絕。聖。於。廊。廟。之。榮。遺。形。於。斤。斧。之。患。固。可。垂。蔭。萬。畝。懸。映。九。霄。與。建。木。較。其。長。短。將。大。椿。齊。其。年。壽。者。而。委。根。險。岸。託。迹。畏。途。上。爲。疾。風。衝。颺。所。摧。殘。下。爲。奔。浪。迅。波。所。激。射。基。由。壤。括。勢。以。地。危。豈。盛。衰。之。理。繫。乎。時。封。植。之。道。存。乎。我。一。墜。泉。谷。萬。里。飄。淪。與。波。浮。沉。隨。時。逝。止。雖。殷。仲。文。歎。生。意。已。盡。孔。宣。父。知。朽。質。難。彫。然。而。遇。良。工。逢。仙。

用意用句大入化境

客。牛。磯。可。託。玉。璜。之。路。非。遙。匠。石。先。談。萬。乘。之。器。何。遠。故。用。不。用。時。也。悲。夫。然。則。萬。物。之。相。應。感。者。亦。奚。必。同。聲。同。氣。而。已。哉。感。而。賦。詩。貽。諸。同。志。

一作尋

昔負千乘質。高臨九仞峯。貞心凌晚桂。勁節掩寒松。忽值風颺折。坐爲波浪衝。摧殘空有恨。擁腫遂無庸。渤海三千里。泥沙幾萬重。似舟飄不定。如梗泛何從。仙客終難託。良工豈易逢。徒懷

即上牛磯四句意

萬乘播。誰爲一先容。

送吳七遊蜀

日觀分齊壤。星橋抵蜀門。桃花嘶別路。竹葉瀉離樽。夏老蘭猶茂。秋深柳尚繁。霧銷山望迥。風高野聽喧。勞歌徒欲奏。贈別竟無言。唯有當秋月。空照野人圓。

春霽早行

年華開早律。霽色蕩芳晨。城闕千門曉。山河四望春。御溝通太液。戚里對平津。寶瑟調中婦。金罍引上賓。劇譚推曼倩。驚坐揖陳遵。意氣一言合。風期萬里親。自惟安直道。守拙忌因人。談器非先木。圖榮異後薪。椰榆慙路鬼。憔悴切波臣。玄草終疲漢。烏裘幾滯秦。生涯無歲月。岐路有風塵。還嗟太行道。處處白頭新。

秋日山行簡梁大官

東馬陟層阜。迴首聯山川。攢峯銜宿霧。疊嶽架

風韻縹緲悲悼
中無限含情

桃花津名此又
指馬之色言
竹葉酒名

前叙山行後叙
樂山之趣

孫登之琴一絃

楊慎曰崑崙有
弱水鴻毛不能
起

寒烟百重。合翠色。一道落飛泉。香吹分巖桂。鮮
雲抱石蓮。地偏心易遠。致默體逾玄。得性靈遊
刃。忘言已棄筌。彈冠勞巧拙。結綬倦牽纏。不如
從四皓。丘中鳴一絃。

晚度天山有懷京邑

忽上天山路。依然想物華。雲疑上苑葉。雪似御
溝花。行嘆戎麾遠。坐憐衣帶賒。交河浮絕塞。弱
水浸流沙。旅思徒漂梗。歸期未及瓜。寧知心斷
絕。夜夜泣胡笳。

晚泊河曲

三秋倦行役。千里泛歸潮。通波竹箭水。輕舸木
蘭橈。金隄連曲岸。貝闕影浮橋。水淨千年近。星
飛五老遙。疊花開宿浪。浮葉下涼飈。浦河疏晚
葍。津柳漬寒條。徬徨勞梗泛。淒斷倦蓬飄。仙查
不可託。河上獨長謠。

晚泊蒲類

蒲類塞外河名

蓮心為蒟

胡元瑞曰排律起句宜冠冕雄渾唐人可法者盧照隣地道巴陵北天山弱水東駱賓王二庭歸望斷萬里客心愁最為得休

亂字奇馬頰龍門俱河名

桐栢山名淮水所出

二庭歸望斷萬里客心愁。山路猶南屬。河源自北流。晚風連朔氣。新月照邊秋。竈火通軍壁。烽烟上戍樓。龍庭但苦戰。燕領會封侯。莫作蘭山下。空令漢國羞。

晚渡黃河

千里尋歸路。一葦亂平源。通波連馬頰。迸水急龍門。照日榮光淨。驚風瑞浪翻。棹唱臨風斷。樵歌入聽喧。岸迴秋霞落。潭深夕霧繁。誰堪逝川

上日暮他鄉魂

早發淮口望盱眙

養蒙分四瀆。習坎奠三荆。徙帝留餘地。封王表舊城。岸昏涵蜃氣。潮滿應鷄聲。洲迴連沙靜。川虛積溜明。一朝從捧檄。千里倦懸旌。背流桐栢遠。逗浦木蘭輕。小山迷隱路。大塊切勞生。惟有真心在。獨映寒潭清。

遠使海曲春夜多懷

語含情

魯禽息仕齊有
思歸之嘆

長。嘯。三。秋。晚。端。居。百。慮。盈。未。安。蝴。蝶。夢。遽。切。魯。
禽。情。別。島。連。環。海。離。魂。斷。戍。城。流。星。疑。伴。使。行。
月。似。依。營。懷。祿。寧。期。遠。牽。時。匪。狗。名。艱。虞。行。已。
遠。時。迹。自。相。驚。

晚泊江鎮

銷。晚。夏。入。新。秋。
多韻
末二句本懷不
禁

四。運。移。陰。律。三。翼。泛。陽。侯。荷。香。銷。晚。夏。菊。氣。入。
新。秋。夜。烏。喧。粉。堞。宿。鴈。下。蘆。洲。海。霧。籠。邊。徼。江。
風。繞。戍。樓。轉。蓬。驚。別。渚。迹。名。謝。蟻。丘。還。嗟。帝。鄉。

遠空望白雲浮

早發諸暨

征。夫。懷。遠。路。風。駕。上。危。巒。薄。煙。橫。絕。巘。輕。凍。澁。
迴。湍。野。霧。連。空。暗。山。風。入。曙。寒。帝。城。臨。霸。淚。禹。
穴。枕。江。干。橘。性。行。應。化。蓬。心。去。不。安。獨。有。窮。途。
淚。長。歌。行。路。難。

晚憇田家

轉。蓬。勞。遠。役。披。薜。下。田。家。山。形。類。九。折。江。勢。急。

橘性蓬心妙對

淑一作駛風急
曰駛

三巴懸梁接斷岸。漉路擁崩查。霧巖淪曉魄。風
激漲寒沙。心迹一朝外。關山萬里賒。龍章徒表
越。閩俗本非華。旅行悲泛梗。離贈斷疎麻。惟有
寒潭菊。獨似故園花。

宿山庄

金陵一超忽。玉燭幾環周。露積吳臺草。風入郢
門楸。林虛宿斷霧。磴險掛懸流。拾青非漢策。緇
化類秦裘。牽迹猶多蹇。勞生未寡尤。獨此他鄉

每觸思用世

夢空山明月秋

過張平子墓

西鄂該通里。南陽擅德音。玉卮浮藻麗。銅渾積
思深。忽懷今日昔。非復昔時今。日往豐碑閣。風
來古木吟。惟嘆窮泉下。終鬱羨魚心。

玉卮浮藻麗狀
其善為父
忽懷二句奇

邊城落日

紫塞流沙北。黃圖灞水東。一朝辭俎豆。萬里逐
沙蓬。候月長持滿。尋源屢擊空。野昏邊氣合。峯

玉世貞曰候月
兩句絕似老杜

末四句慨然有
請罨之志

迥戍烟通。膂力風塵倦。疆場歲月窮。河流控積
石。山路遠崆峒。壯志凌蒼兕。精誠貫白虹。君恩
如可報。龍劍有雌雄。

蓬萊鎮

旅○客○春○心○斷○邊○城○夜○望○高○野○樓○疑○海○氣○白○鷺○似
江○濤○結○綬○疲○三○入○承○冠○泣○二○毛○將○飛○憐○弱○羽○欲
濟○乏○輕○舠○賴○有○陽○春○曲○窮○愁○且○代○勞

宿溫城望軍營

虜地寒膠折。邊城夜析聞。兵符關帝闕。天策動
將軍。戍靜胡笳徹。沙明楚練分。風旗翻翼影。霜
劍轉龍文。白羽搖如月。青山亂若雲。烟疎疑卷
被。塵滅似銷氛。投筆懷班業。臨戎想召勳。還應
雪漢耻。持此報明君。

和孫長史秋日臥病

霍地疎天府。潘園近帝臺。絃調三婦至。驛置五
侯來。尚想歡娛洽。吁嗟歲月催。金壇分上將。玉

場城落日作大
意同其寫景盡
胸中之悲壯用
事悉軍中之容
態所以為難
頌麟曰精緻
蔣一葵曰語語
悲壯

落梅曲名見樂
大夫挽詞

鯉遊龍門其躍
而上者化為龍
不能者曝腮而
返

歸音魁

此眼前景之玄
妙者

詩一奏曰賦出
塞句句工切後
畧見寄意作綴

韻辨口上句七
蕭渚以下唐詩
正始諸本所刪

帳引瓌材。決勝鯨波靜。騰謀鳥谷開。白雲淮水
外。紫陌灞陵隈。節變驚衰柳。笳繁思落梅。調神
和玉燭。揆藻握珠胎。悵矣欣懷土。居然欲死灰。
還因承雅曲。暫喜躍沉腮。

四月八日題七級

浮屠也

化城分鳥堞。香閣俯龍川。複棟侵黃道。重簷架
紫烟。銘書非晉代。畫壁是梁年。霸畧今何在。王
宮尚巋然。二帝曾遊聖。三鄉是偶賢。昔茲遊聖

侶。超彼託良緣。我出有爲界。君登非想天。悠悠
青曠裏。蕩蕩白雲前。今日經行處。曲音號蓋烟。

早秋出塞寄東臺詳政學士

促駕逾三水。長驅望五原。天街分斗極。地理接
樓煩。漢月明關隴。胡雲聚塞垣。山川殊物候。風
壤異涼溫。戍古秋塵冷。沙寒宿霧繁。昔予迷學
步。投迹忝詞源。蘭渚浮延閣。蓬山款禁園。影纓
陪紱冕。載筆偶瓊璠。汲冢寧詳蠹。秦牢辨詎寃。

一朝從篋服。千里駕輕軒。鄉夢隨魂斷。邊聲入
聽。誼南圖。終斂翮。北上遽摧轅。吊影慚連茹。浮
生倦觸藩。數奇何以託。桃李自無言。

鄭安陽入蜀

彭山折坂外。井絡少城隈。地是三巴俗。人非百
里才。長途君悵望。別路我徘徊。心賞風烟隔。容
華歲月催。遙遙分鳳野。去去轉龍媒。遺錦非前
邑。鳴琴卽舊臺。劔門千仞起。石路五丁開。海客

刺門二句殊壯

形一作覩

含蓄不露

乘槎渡。仙童馭竹迴。形將離鶴遠。思逐斷猿哀。
唯有雙鳧鳥。飛去復飛來。

在軍中贈先還知己

蓬轉俱行役。瓜時獨未還。魂迷金闕路。望斷玉
門關。獻凱多慙霍。論封幾謝班。風塵催白首。歲
月損紅顏。落鴈低秋塞。驚鳧起暝灣。胡霜如劔
鏑。漢月似刀環。別後邊庭樹。相思幾度攀。

夏夜憶張二

獨一作主

鍾情語復多感
慨

伏枕憂思深。擁膝獨長吟。烹鯉無尺素。筌魚勞寸心。疎麻空有折。芳桂湛無斟。廣庭含夕氣。閑宇澹虛陰。織蟲垂夜砌。驚鳥棲暝林。躡娛百年促。羈病一生侵。詎堪孤月夜。流水入鳴琴。

和李明府

傳聞葉縣履飛向洛陽城。馳道臨層掖。津門對小平。霞殘疑製錦。雲度似飄纓。藻揆潘江徹。塵虛范甑清。詎憐衝斗氣。猶向匣中鳴。

憐一作令

望月有所思

九秋涼氣肅。千里月華開。圓光隨霧湛。碎影逐波來。似霜明玉砌。如鏡寫珠胎。曉色依關近。邊聲雜吹哀。離居分照耀。愁緒共徘徊。自繞南飛羽。空忝北堂才。

詞意凄斷狀月
更入化境

分一作空

寓居洛濱對雪憶謝二

旅思眇難裁。衝飈恨易哀。曠望洛川晚。飄颻瑞雪來。積明明書帳。流韻繞琴臺。色奪迎仙羽。花

詞一作彩

含蘊

避○犯○靈○梅○謝○庭○賞○方○逸○袁○屏○掩○未○開○高○人○儻○有○
訪○興○盡○詎○須○迴○

西行別東臺詳政學士

意○氣○坐○相○親○關○河○別○故○人○客○似○秦○川○上○歌○疑○易○
水○濱○塞○荒○行○辨○玉○臺○遠○尚○名○輪○洩○井○懷○邊○將○尋○
源○重○漢○臣○上○苑○梅○花○早○御○溝○楊○柳○新○只○應○持○此○
曲○別○作○邊○城○春○

持曲為春邊城
苦楚可思而不
說苦楚何狀

春晚從李長史遊開道林故山

道林
晉人

韻璘曰精彩在
光樹二字此點
鐵手也
又曰滿樹來三
字下得妙

幽○尋○極○幽○壑○春○望○陟○春○臺○雲○光○棲○斷○樹○霞○影○入○
仙○杯○古○藤○依○谷○上○野○徑○約○山○隈○落○蕊○翻○風○去○流○
鶯○滿○樹○來○興○闌○荀○御○動○歸○路○起○浮○埃○

和王記室從趙王春日遊陞山寺

鳥○旃○陪○訪○道○鷺○嶺○洽○棲○真○四○禪○明○靜○業○三○空○廣○
勝○因○祥○河○疎○疊○澗○慧○日○皎○重○輪○葉○暗○龍○宮○密○花○
明○鹿○苑○春○雕○談○筌○與○旨○妙○辨○漱○玄○津○雅○曲○終○難○
和○徒○自○奏○巴○人○

慘愴之容。寫眇
之思。令人扼腕。
湛盧劍名。

夕次舊吳

維舟背楚服。振策下吳畿。盛德弘三讓。雄圖枕
九圍。黃池通霸業。赤壁暢戎威。文物俄遷謝。英
靈有盛衰。行歎鴟夷沒。遽惜湛盧飛。地古煙塵
暗。年深館宇稀。山川四望是。人事一朝非。懸劍
空留信。亡珠尚識機。鄭風遙可託。關月眇難依。
西北雲逾滯。東南氣轉微。徒懷伯通隱。多謝買
臣歸。惟有荒臺露。薄暮濕征衣。

過故宋

舊國千年盡。荒城四望通。雲浮非隱帝。日舉類
遊童。綺琴朝化洽。祥石夜論空。馬去遙奔鄭。蛇
分近帶豐。池文斂束水。竹影漏寒叢。園兔承行
月。川鳥避斷風。故宋城難定。從梁事未工。唯當
過周客。獨愧吳臺空。

傷祝阿王明府

并序

夫心之悲矣。非關春秋之氣。聲之哀也。豈移

文勢頓挫詞法
練捷波瀾音節
自是奇妙

百里為同

金石之音。何則。事感則萬緒興。端情應則百
憂交軫。是以宣尼舊館。流襟動激。楚之悲。孟
嘗高臺。承睫下聞琴之淚。祝阿王明府。毓德
丹穴。襲吉黃裳。靈基峙金闕之峯。層源漱玉
輪之坂。既而鴻飛漸陸。將騁平輿之龍。鶴鳴
在陰。爰絆朝歌之驥。乃當名懸闕月。德貫陳
星。豈徒遽切夢瓊。奄沉連石。嗟乎。輪銷桂魄。
驪珠毀貝闕之前。斗散紫氛。龍劍沒延平之

水。某夙承嘉惠。曲荷恩光。留連嘯歌。從容風
月。撫心陳迹。泣血漣如。然而始終者。萬物之
大歸。生歿者。百年之常分。雖則知理之可有。
而未曉情之可無。聊綴悲歌。敢貽同好。諸君
或締交三益。列宰一同。或叶契筌蹄。投心膠
漆。如此肩於千里。遽傷魂於九原。既切芝焚。
彌深蕙歎。盍言四始。同賦七哀。庶蘭室流薰。
襲遺芳而化德。故蓬心深拙。效庸音於起予。

觸目多懷。同增流慟。

洛川真氣上。重泉惠政融。含章光後烈。繼武嗣前雄。契與良難驗。生涯忽易窮。翔鳧猶在履。狎雉尚馴童。錢滿荒階綠。塵浮虛帳紅。夏餘將宿草。秋近未驚蓬。烟晦泉門夕。日遠夜臺空。誰堪孤隴外。獨聽白楊風。

詠懷

少年識事淺。不知交道難。一言芬若桂。四海臭如蘭。寶劍思存楚。金鉗許報韓。虛心徒有託。循迹諒無端。太息關山險。吁嗟歲月闌。忘機殊會俗。守拙異懷安。阮籍空長嘯。劉琨獨未懽。十步庭芳斂。三秋隴月團。槐疎非盡意。松晚夜凌寒。悲調絃中急。窮愁醉裏寬。莫將流水引。空向俗人彈。

邊夜有懷

漢地行逾遠。燕山去不窮。城荒猶築怨。碣毀尚

咏懷處多少相
思却在此隱括
內

蔣一葵曰岑寂
可想

銘勅。古戍煙塵暗。邊庭人事空。夜闌明隴月。秋
塞急胡風。倚伏良難定。榮枯豈易通。旅魂勞泛
梗。離恨斷征蓬。蘇武封猶薄。崔駟官不工。惟餘
北。叟。意。欲。寄。南。飛。鴻。

久戍邊城有懷京邑

擾擾風塵地。遑遑名利途。盈虛一易舛。心迹兩
難俱。弱齡小山志。寧期大丈夫。九微光賁玉。千
仞忽彈珠。棘寺遊三禮。蓬山造八儒。懷鉛慚後

葛曦曰功名難
立浩蕩生愁

懷鄉吊古愈感
愈深

進。投。筆。願。前。驅。北。走。非。通。趙。西。之。似。化。胡。錦。車
朝。促。候。刁。斗。夜。傳。呼。戰。士。青。絲。絡。將。軍。黃。石。符。
連。星。入。寶。劍。半。月。上。雕。弧。拜。井。開。疎。勒。鳴。桴。動
密。須。戎。機。習。短。蔗。妖。祲。靜。長。榆。季。月。炎。初。盡。邊
庭。草。早。枯。層。陰。籠。古。木。窮。色。變。寒。蕪。海。鶴。聲。嘹
唳。城。烏。尾。畢。逋。葭。繁。秋。色。引。桂。滿。夕。輪。孤。行。役
風。霜。久。鄰。關。夢。想。孤。灞。池。遙。夏。國。秦。海。望。陽。紆。
沙。塞。三。千。里。東。城。十。二。衢。楊。溝。連。鳳。闕。槐。路。擬

鴻都。壁殿規象。金鑿法斗樞。雲浮西北界。月
照東南隅。寶帳垂連理。銀床轉轆轤。廣筵留上
客。豐饌引中廚。漏緩金徒箭。嬌繁玉女壺。春濤
飛喻馬。秋水泛仙臚。意氣風雲合。言忘道術趨。
共矜名已泰。詎肯沫相濡。有志慙彫朽。無庸類
散樗。關山暫超忽。形倦歎艱虞。結網空知羨。圖
榮豈自誣。忘情同塞馬。比德類宛駒。隴坂肝腸
絕。陽關亭障迂。迷魂驚落鴈。離恨斷飛鳧。春去
容華盡。年來歲月無。邊愁傷郢調。鄉思繞吳歛。
河氣通中國。山途限外區。相思若可寄。冰泮有
銜蘆。

幽繫書情通簡知己

昔歲逢陽曆。觀光賁楚材。穴疑丹鳳起。場似白
駒來。一命淪驕餌。三緘慎禍胎。不言勞倚伏。忽
此邁迢迢。聰馬刑章峻。蒼鷹獄吏猜。爭縑非易
辨。疑璧果難裁。際拙慚周美。端憂滯夏臺。生涯

悲恨無聊之詞
永感動人

漢陽趙壹恃才
倨傲獲罪賴友
救免作窮鳥賦
謝之

鵝服數句對之

絕佳者

簡知已故曰伐
木遊子故曰維
桑

一滅裂。岐路幾徘徊。青陸芳春動。黃沙旅思催。
園扉長寂寂。疎網尚恢恢。入。窅先搖尾。迷津正
曝腮。覆盆徒望日。蟄戶未驚雷。霜歇蘭猶敗。風
多木屢摧。地幽蠶室閉。門靜雀羅開。自憫秦冤
痛。誰憐楚奏哀。漢陽窮鳥客。梁甫臥龍材。有氣
還冲斗。無時會鑿坏。莫言韓長孺。長作不燃灰。
寒夜獨坐遊子多懷簡知已

故鄉眇千里。離憂積萬端。鵝服長悲碎。蝸廬未
卜安。富鈎徒有想。貧鋏爲誰彈。柳秋風葉脆。荷
晚露文團。亂金分岸菊。餘佩下幽蘭。伐木傷心
易。維桑歸土難。獨有孤明光。時照客庭寒。

敘寄員半千

薄宦三河道。自負十餘年。不應驚若厲。祇爲直
如弦。坐歷山川險。吁嗟陵谷遷。長吟空抱膝。短
翮詎冲天。魂歸滄海上。望斷白雲前。釣名勞拾
紫。隱迹自談玄。不學多能聖。徒思鴻寶仙。斯志

合一作狎

良難已。此道豈徒然。嗟為刀筆吏。耻從繩墨牽。
岐路情難合。人倫地本偏。長揖謝時事。獨往訪
林泉。寄言二三子。生死不來旋。

棹歌行

寫○月○圓○黃○罷○凌○波○拾○翠○通○鏡○花○搖○芰○日○衣○麝○入
荷○風○葉○露○舟○難○蕩○蓮○疏○浦○易○空○鳳○媒○羞○自○託○鴛
翼○恨○難○窮○秋○帳○燈○光○翠○倡○樓○粉○色○紅○相○思○無○別
曲○併○在○棹○歌○中○

顧璘曰說景既
好下字更不冗

海曲書情

薄遊倦千里。勞生負百年。未能查上漢。詎肯劔
遊燕。白雲照春海。青山橫曙天。江濤讓雙壁。渭
水擲三錢。坐惜風光滿。長歌獨塊然。

冬日野望

故人無與晤。安步陟山椒。野靜連雲捲。川明斷
霧銷。靈巖聞曉籟。洞浦漲秋潮。三江歸望斷。千
里故鄉遙。勞歌徒自奏。客魂誰為招。

高棟曰寫出閒
情可謂遠甚
野遠宛然

劉長卿曰絕句
難於得一句一
絕冠絕長事愈
讀愈有味為正

胡應麟曰王無
功眼者人盡醉
何忍獨為醒與
賓王此作初唐
絕句犹是六朝
餘習

韻致悽惋是自
寫照

此自贊而六其
識也

五言絕句

始自漢魏樂府如白頭吟出塞曲皆其
體也六代述作漸繁入唐尤盛

在軍登城樓

城上風威冷。江中水氣寒。戎衣何日定。歌舞入
長安。

於易水送人一絕

此地別燕丹。壯髮上衝冠。昔時人已沒。今日水
猶寒。
蔣一葵曰並不說自家如此已足

詠照鏡

寫月無芳桂。照日有花菱。不特光謝水。翻將影
學冰。

挑燈杖

稟質非貪熱。焦心豈憚熬。終知不自潤。何處用
脂膏。

詠塵

凌波起羅襪。含風染素衣。別有知音調。聞歌應
自飛。

顧璘曰乘昏影
漸流比上句多
少用心

向天歌句便奇

翫初月

忌○滿○光○恒○缺○乘○昏○影○漸○流○自○能○明○似○鏡○何○用○曲○
如○鈎○

詠鷺雜言 時年七歲

鷺○鷺○鷺○曲○項○向○天○歌○白○毛○浮○綠○水○紅○掌○撥○清○波○

唐駱先生集卷四目錄

七言古詩

豔情代郭氏荅盧照隣

代女道士王靈妃贈道士

上吏部侍郎帝京篇有啓

疇昔篇

行軍軍中行路難

行路難

七言絕句

憶蜀地佳人

唐駱先生集卷四

七言古詩

豔情代郭氏答盧照隣

迢迢芊路望芝田。眇眇函關恨蜀川。歸雲已落涪江外。還鴈應過洛水漣。洛水傍連帝城側。帝宅層甍垂鳳翼。銅駝路上柳千條。金谷園中花幾色。柳葉園花處處新。洛陽桃李應芳春。妾向雙流窺石鏡。君住三川守玉人。此時離別那堪

七言始起咸云
相梁然歌謠等
作出自古也聲
長字從易以成
文故蘊氣調詞
與五言畧異

王世貞曰七言
歌行長篇須讓
盧駱怪俗極于
月蝕卑冗極于
津陽俱不足法
也

驥子馬名魚文
藏箭器

提一作持

淺語出真情自
好

亂音久蘇音渺

道○此○日○空○床○對○芳○沼○芳○沼○徒○游○比○目○魚○幽○徑○還○
生○拔○心○草○流○風○迴○雪○舞○嫵○娟○驥○子○魚○文○實○可○憐○
擲○果○河○陽○君○有○分○貨○酒○成○都○妾○亦○然○莫○言○貧○賤○
無○人○重○莫○言○富○貴○應○須○種○綠○珠○猶○得○石○崇○憐○飛○
燕○曾○經○漢○皇○寵○良○人○何○處○醉○縱○橫○直○如○循○默○守○
空○名○倒○提○新○縑○成○慊○慊○翻○將○故○劍○作○平○平○離○前○
吉○夢○成○蘭○兆○別○後○啼○痕○上○竹○生○別○日○分○明○相○約○
束○已○取○宜○家○成○誠○勗○當○時○擬○弄○掌○中○珠○豈○謂○先○

摧○庭○際○玉○悲○鳴○五○里○無○人○問○腸○斷○三○聲○誰○爲○續○
思○君○欲○坐○望○夫○臺○端○居○懶○聽○將○雜○曲○沉○沉○落○日○
向○山○低○簷○前○歸○燕○竝○頭○棲○抱○膝○當○窓○瞻○夕○兔○側○
耳○空○房○聽○曉○雞○舞○蝶○臨○階○祗○自○舞○啼○鳥○逢○人○亦○
助○啼○獨○坐○傷○孤○枕○春○來○悲○更○甚○峨眉○山○上○月○如○
眉○濯○錦○江○中○霞○似○錦○錦○字○迴○文○欲○贈○君○劍○壁○層○
峯○自○糾○紛○平○江○淼○淼○分○青○浦○長○路○悠○悠○間○白○雲○
也○知○京○洛○多○佳○麗○也○知○山○岫○遙○虧○蔽○無○那○短○封○

石城有女子名
莫愁善歌

起便掉弄長調
筆趣可喜
一篇中五六轉
轉之奇快

楊慎曰王右丞
楊花惹莫愁李
長吉古竹老翁
惹碧雲孫光憲
六宮眉黛惹春
愁賂賓王輕花
委砌惹裙香用
惹字皆絕妙

卽蘇索不在長情守期契。傳聞織女對牽牛。相
望銀河隔淺流。誰分迢迢經兩歲。誰能脉脉待
三秋。情知唾井終無理。情知覆水也難收。不復
下山能借問。更向盧家字莫愁。

代女道士王靈妃贈道士

玄都五府風塵絕。碧海三山波浪深。桃實千年
非易待。桑田一變已難尋。別有仙居對三市。金
闕銀宮相向起。臺前鏡裏伴仙娥。樓上簫聲隨

鳳史。鳳樓迢迢絕塵埃。鸞時物色正徘徊。靈芝
紫檢參差長。仙桂丹花重疊開。雙童綽約時遊
陟。三鳥聯翩報消息。盡言真侶出遨遊。傳道風
光無限極。輕花委砌惹裙香。殘月窺窓覘幌色。
箇時無數併妖妍。箇裏無窮總可憐。別有衆中
稱黜帝。天上人間少流例。洛濱仙駕啓遙源。淮
浦靈津符遠筮。自言少小慕幽玄。只言容易得
神仙。佩中邀勒經時序。簫裏尋思復幾年。尋思

妙韻

許事真情變。二八容華識少選。漫道燒丹止七
飛空傳化石。曾三轉。寄語天上弄機人。寄語河
邊值查客。乍可忽忽共百年。誰使遙遙期七夕。
想知人意自相尋。更得深心共一心。一心一意
無窮已。投漆投膠非足擬。只將羞澁當風流。持
此相憐保終始。相憐相愛倍相親。一生一代一
雙人。不投丹心比玄石。誰將濁水況清塵。只言
柱下留期信。好欲將心學松薜。不能京兆畫娥

只叙景而情在
其中

眉。翻向成都騁騶引。青牛紫氣度靈關。尺素頰
鱗去不還。連苔上砌無窮綠。脩竹臨壇幾處班。
箇時空床難獨守。此日別離那可久。梅花如雪
柳如絲。年去年來不自持。初言別在寒偏在。何
悟春來春更思。春時物色無端緒。雙枕孤眠誰
分許。忿念嬌鶯一種啼。生憎燕子千般語。朝雲
旭日照青樓。遲暉麗色滿皇州。落花泛泛浮靈
沼。垂柳長長拂御溝。御溝大道多奇賞。俠客妖

王世貞曰唐名
酒有竹葉春
琴一作蕭

李肇曰唐都
城卽秦漢故都
故引用皆秦漢
舊語
高棟曰歌行長
篇唐初獨宿王

容。遞。來。往。寶。騎。車。花。鐵。作。錢。香。輪。鶯。水。珠。爲。網。
香。輪。寶。騎。競。繁。華。可。憐。今。夜。宿。倡。家。鸚。鵡。杯。中。
浮。竹。葉。鳳。凰。琴。裏。落。梅。花。許。輩。多。情。偏。送。款。爲。
問。春。花。幾。時。滿。千。回。鳥。信。說。衆。諸。百。過。鶯。啼。說。
長。短。長。短。衆。諸。判。不。尋。千。回。百。過。浪。關。心。何。曾。
舉。意。西。鄰。玉。未。肯。留。情。南。陌。金。南。陌。西。隣。咸。自。
保。還。轡。歸。期。須。及。早。爲。想。三。春。狹。斜。路。莫。辭。九。
折。卽。關。道。假。令。白。里。似。長。安。枉。使。青。牛。學。劍。端。
蘋。風。入。馭。來。應。易。竹。杖。成。龍。去。不。難。龍。駭。去。去。
無。消。息。鸞。鏡。朝。朝。減。容。色。君。心。不。記。下。山。人。妾。
欲。空。期。上。林。翼。上。林。三。月。鴻。欲。稀。華。表。千。年。鶴。
未。歸。不。分。淹。留。桑。路。待。祇。應。直。取。挂。輪。飛。

上吏部侍郎帝京篇 并啓

昨引注日。垂索鄙文。拜手驚魂。承恩累息。楚
輦丹質。在荆南以多慚。遼豕白頭。望河東而
載慙。某散材易朽。蟠木難容。雖少好讀書。無

有帝京時昔二
作文極富麗至
盛唐絕少元和
後元白始相尚
此製

謝高鳳而老不曉事。有類楊雄。徒以易象六
爻。幽贊適乎政本。詩人五際。比興在乎國風。
故體物成章。必寫情于小雅。登高能賦。豈圖
榮于大夫。蓋欲樂道遺榮。從心所好。非敢希
聲刻鵠。竊譽雕蟲。至若質醜行以自媒。銜庸
音于苟進。固立身之岐路。行已之外篇矣。君
侯蘊明畧以佐時。虛靈臺以照物。觀梁父之
曲。識臥龍于孔明。聽康衢之歌。得飯牛于甯

戚。是用異人翹首。俊乂歸誠。猥以疵賤之姿。
謬奉清通之盼。雖仲由之瑟。終闕響於丘門。
而宋玉之謠。倘均音於郢路。敢忘下里。輕冒
上呈。庶道叶起予。陳卜商之四始。恐吾幾失
子。效然明於一言。拜手增慙。憂心如醉。謹啓。

山河千里國。城闕九重門。不覩皇居壯。安知天
子尊。皇居帝里嶠函谷。鶉野龍山侯甸服。五緯
連影集星經。八水分流橫地軸。秦塞重關一百

王世貞曰。賓王
長篇雖極浮靡
亦有微瑕而綴
錦貫珠。滴。洪
遠故是千秋絕
藝

李攀龍曰賓王好以數對此篇尤多人號為第一博士

王衡曰此篇關艷爭奇能寫已之熱腸又能傳已之高致政如晉人清談幽思冷韻言外有言以上賦長安山川之勝宮殿之盛

楊慎曰趙李李款皆當時大俠以上賦長安第宅之華貴游之多

一漢家離宮三十六。桂殿陰岑對玉樓。椒房窈窕連金屋。三條九陌麗成隈。萬戶千門平日開。複道斜通鳩鵲觀。交衢直指鳳凰臺。劔履南宮入。簪纓北闕來。聲名冠寰宇。文物象昭回。鉤陳肅蘭所。碧沼浮槐市。銅羽應風迴。金莖承露起。校文天祿閣。習戰昆明水。朱邸抗平臺。黃扉通戚里。平臺戚里帶崇墉。炊金饌玉待鳴鐘。小堂綺帳三千疊。大道青樓十二重。寶蓋彫鞍金絡

馬。蘭。腮。繡。戶。玉。盤。龍。綺。柱。璇。題。粉。壁。映。銷。金。鳴。玉。王。侯。盛。王。侯。貴。人。多。近。臣。朝。遊。北。里。暮。南。隣。陸。賈。分。金。時。燕。喜。陳。遵。投。轄。每。留。賓。趙。李。經。過。密。蕭。朱。交。結。親。丹。鳳。朱。城。白。日。暮。青。牛。紺。憶。紅。塵。度。俠。客。珠。彈。垂。楊。道。倡。婦。銀。鈎。采。桑。路。倡。家。桃李自芳菲。京華遊俠盛輕肥。延年女弟雙飛入。羅敷使君千騎歸。同心結。縷帶。連理織成衣。春朝桂樽樽百味。秋夜蘭燈燈九微。翠幌珠簾

以上賦長安倡
俠之侈靡人不
知其非也

此段言貴盛不
足恃

此段言交情不
足托

以下自寓

不獨映清歌寶瑟自相依。且論三萬六千是寧
知四十九年非。古來名利若浮雲。人生倚伏信
難分。始見田竇相移奪。俄聞衛霍樹功勳。未厭
金陵氣。先開石櫛文。朱門無復張公子。灞陵誰
畏李將軍。相傾百齡皆有待。居然萬化成應改。
桂枝芳氣已銷亡。栢梁高宴今何在。春去春來
若自馳。爭名爭利徒爾爲。久留郎署今何在。空
掃相門誰見知。莫矜一旦擅繁華。自言千載長

驕奢。倏忽搏風生羽翼。須臾失浪委泥沙。黃雀
徒巢桂。青門遂種瓜。黃金銷鑠素絲變。一貴一
賤交情見。紅顏宿昔白頭新。虬粟布衣輕故人。
故人有堙淪。新知無意氣。灰灰韓安國。羅傷翟
廷尉。已矣哉。歸去來。馬卿辭蜀多文藻。楊雄仕
漢乏良媒。三冬自矜成足用。十年不調幾遭回。
汲黯薪逾積。孫弘閣未開。誰惜長沙傳。獨負洛
陽才。

羨鳥以忠諫獲
罪羈縶無聊迺
至于此誠可憐
矣其送教業舉
義固非乘時徼
利不知商山可
樂若然此以疇
昔名篇叙述詳
委固可見其履
歷心迹之大節
而全身遠害之
智亦可際見不
獨為詞人文士
已也

疇昔篇

少年重英俠。弱歲賤衣冠。既託寰中賞。方承膝
下歡。遨遊灞陵曲。風月洛城端。且知無玉饌。誰
肯逐金丸。金丸玉饌盛繁華。自言輕侮季倫家。
九陌爭馳千里馬。三條競駕七香車。掩映飛軒
承落照。參差步障列朝霞。池中舊水疑懸鏡。屋
裏新粧不讓花。意氣風雲倏如昨。歲月春秋屢
迴薄。上苑頻經柳絮飛。中園幾畝梅花落。當時

門客今何在。疇昔交遊已疎索。莫言憔悴損容
儀。會得高秋雲霧廓。淹留坐帝鄉。無事積炎涼。
一朝披短褐。六載奉長廊。賦文慙昔馬。執戟慕
前楊。揮戈出武帳。荷筆入文昌。文昌隱隱皇城
裏。由來奕奕多才子。潘陸詞鋒絡繹飛。張曹翰
苑縱橫起。卿相未曾識。王侯寧見擬。徒勞倦負
薪。何處逢知己。判將運命賦窮通。從來奇舛任
西東。不分永棄同芻狗。且復飄飄任轉蓬。客鬢

分一作應

且一作見

寫一作用

年年異。春花歲歲同。榮親未盡禮。徇主欲申功。
脂車秣馬辭鄉國。策轡西南吏印獎。玉壘銅梁
不易攀。地角天涯渺難測。鶯。轉。蟬。吟。有。悲。望。鴻。
來。鴈。度。無。音。息。陽。關。積。霧。萬。里。昏。劔。閣。連。山。千
里。色。蜀。路。何。悠。悠。岷。峰。阻。且。脩。迴。腸。隨。九。折。迸
淚。忽。雙。流。寒。光。千。里。暮。露。氣。二。江。秋。長。途。看。束
馬。平。水。且。沉。牛。華。陽。舊。地。標。神。制。石。鏡。娥。眉。真
秀。麗。諸。葛。才。雄。已。號。龍。公。孫。躍。馬。猶。稱。帝。五。丁

卓犖多奇力。四士英靈富文藝。雲氣橫開八陣
形。橋影遙分七星勢。川平烟霧開。遊戲錦城隈。
墉高龜望出。水淨鴈文迴。尋妹入酒肆。訪客上
琴臺。不識金貂重。偏惜玉山頽。他鄉萼萼消年
月。帝里沈沈限城闕。不見猿聲助客啼。唯聞旅
思將花發。我家迢遞關山裏。關山迢迢不可越。
故園梅柳尚餘條。春來勿使芳菲歇。解秩欲言
歸。執袂愴多違。北梁俱握手。南浦共沾衣。別情

傷去蓋。離念惜光輝。清音何所托。木葉有南飛。
飛鳥轉南陸。春來酒應熟。相將芸閣望。青溪且
用藤。孟泛黃菊。十年不調爲貧賤。百日屢遷隨
倚伏。祇爲須求負郭田。使我再干州郡祿。百年
鬱鬱少騰遷。萬里迢迢入鏡川。吳江沸潮衝白
霧。淮海長波接遠天。叢竹合朝露。孤山起暝烟。
賴有邊城月。長伴客旌懸。東南美箭稱吳會。名
都隱軫三江外。塗山執玉應昌期。曲水開襟重

文會。仙籟流音鳴鶴嶺。寶劔分輝若蛟瀨。未看
白馬對蘆蕩。且覺浮雲似車蓋。江南節序多。文
酒屢經過。共踏春江曲。俱唱采菱歌。舟移疑入
鏡。棹舉若乘波。風光無限極。歸棹礙池荷。聽
烟霞正流盼。卽從王事歸。羶轉芝田花。發屢徘徊。
金谷春明重遊行。登高南適嗤梁叟。憑軾西
征想潘掾。峯開華岳聳疑蓮。水激龍門急如箭。
人事謝光陰。俄遭霜露侵。偷存七尺影。分沒九

泉深窮途行泣玉。憤路未藏金。茹荼徒有歎。懷
橘獨傷心。年來歲去成銷鑠。懷抱心期漸寥落。
掛冠裂冕已辭榮。南畝東臯事耕鑿。賓階客院
常疎散。蓬徑茅齋終寂寞。自有林泉堪隱棲。何
必山中事丘壑。我住青門外。家臨素滄濱。遙瞻
丹鳳闕。敘望黑龍津。荒衢通獵騎。窮巷抵樵輪。
時有桃源客。來訪竹林人。昨夜琴聲奏悲調。旭
旦含嚔不成笑。果乘驄馬發囂書。復道郎官稟

綸誥。冶長非罪曾縲紲。長孺然灰也經溺。高門
有閣不曾封。峻筆無聞欲敷妙。適離京兆謗。還
從御府彈。炎威資夏景。平曲况秋翰。畫地終難
入。書空不自安。吹毛未可待。搖尾且求餐。丈夫
坎壈多愁疾。契闊迤邐盡今日。慎罰寧憑兩造
辭。嚴科直掛三章律。鄒陽含悲繫梁獄。李斯抱
怨拘秦格。不應白髮頓成絲。直爲黃沙暗如漆。
繫禁終難叫。朱門不易排。驚魂聞葉落。危魄逐

慟語自令人悲
慟欲絕

輪埋霜威。遙有廟。雪社更無階。含冤欲誰道。飲
氣獨居懷。忽聞驛使發關東。傳道天波萬里通。
涸轍去鱗終逝海。幽禽釋網便翔空。舜澤堯曦
方有極。讒言巧佞尚無窮。誰能跼蹐依三輔。會
就商山訪四翁。

行軍軍中行路難

君不見封狐雄虺自成羣。馮深負固結妖氛。玉
璽分兵徵惡少。金壇授律動將軍。將軍擁旄宣

不見此景安得
此語

廟畧。戰士橫戈靜夷落。長驅一息背銅梁。直指
三危登劔閣。閣道迢遙起戍樓。劔門遙裔俯靈
丘。叩關九折無平路。江水雙源有急流。征役無
期返。他鄉歲月晚。杳杳丘陵出。蒼蒼林薄遠。途
危紫蓋峯。路澁青泥坂。去去指危牢。行行入不
毛。絕壁千里險。連山四望高。中外分區宇。夷夏
殊風土。交趾枕南荒。昆彌臨北戶。川源饒毒霧。
溪谷多淫雨。行潦四時流。崩崖千歲古。漂梗飛

駛與快同

烟一作風

一新一故描得
凄楚

牢騷抗慨政不
成攀揚擊唾壹
一流人

蓬不暫安。捫藤引葛。陟危巖。昔時聞道從軍樂。
今日方知行路難。滄江綠水東流駛。炎州丹徼
南中地。南中南斗映星河。秦關秦塞阻烟波。三
春邊地風光少。五月瀘中瘴癘多。朝驅疲斥堠。
夕息倦樵歌。向月彎繁弱。連星轉太阿。重義輕
生懷一顧。東征西伐凡幾度。夜夜朝朝斑鬢新。
年年歲歲戎衣故。故人霸城隅。遊子滇池水。天
涯望轉遙。地際行無已。復覺炎涼節。忽復離寒

暑物華非不知。關山千萬里。棄置勿重陳。征行
多苦辛。且悅清笳梅柳曲。詎意芳園桃李人。絳
節紅旗分白羽。丹心白刃酌明主。但令一被君
王知。誰憚三邊征戰苦。行路難。幾千端。無復歸
雲憑短翰。空餘望日想長安。

行路難

君不見玉關塵色暗邊庭。銅鞮雜虜寇長城。天
子按劍徵餘勇。將軍受脰事橫行。七德龍韜開

顧璘曰悲感之
言轉覺健舉

玉帳千里鼙鼓壘金鉦。陰山苦霧埋高壘。交河
孤月照連營。連營去去無窮極。擁旆遙遙過絕
國。陣雲朝結晦天山。寒沙夕漲迷疎勒。龍鱗水
上開魚貫。馬首山前振鵬翼。長驅萬里讐祁連。
分麾三命武功宣。百發烏號遙碎柳。七尺龍文
迥照蓮。春來秋去移灰琯。蘭閨柳市芳塵斷。鴈
門迢迢尺書稀。鴛鴦被相思雙帶緩。行路難。誓令
氛祲靜。臯蘭。但使封侯龍額貴。詎隨中婦鳳樓

寒。

七言絕句

憶蜀地佳人

東吳西蜀關山遠。魚來鴈去兩難聞。莫怪嘗有
千行淚。只爲巫山一片雲。

古樂齊換瑟歌
梁元帝烏棲曲
等作皆七言四
句唐人始休認
聲韻定爲絕句
宛轉多姿



國家圖書館, NATIONAL CENTRAL LIBRARY, TAIWAN, R.O.C.

唐駱先生集卷五目錄

表啓類

爲齊州父老請封禪表

和道士閨情詩啓

上司列太常伯啓

上李少常啓

上兗州啓

上兗州崔長史啓



上齊州張司馬啓

啓類

上廉使啓

上瑕丘韋明府啓

上郭贊府啓

上梁明府啓

上吏部裴侍郎書

與程將軍書

荅員半千書

與博昌父老書

與親情書

駢偶工綴穢學
洞宏真四六之
鼻祖也

蔣一葵曰表詞
鍊得春容露布
語則曰四神踐
雪五老飛星自
是精悍用鬆用

唐駱先生集卷五

表啓類

爲齊州父老請封禪表

臣聞元天列象。紫宮通北極之尊。大帝凝圖。玄猷暢東巡之禮。是知道隆光宅。旣輯玉于雲臺。業紹禋宗。必塗金于日觀。陛下乘乾握紀。纂三統之重光。御辨登樞。應千齡之累聖。故得河浮五老。啓赤文于帝期。海薦四神。奉丹書于王會。



既無所不可
靈茅有三脊
時瑞草

縱音踪

蔣一葵曰工麗
真切太似爭色
矣

又曰句之是齊
州父老

陳豈曰夢瓊就
本照父老字生
來

氣韻鮮麗更註
雅雄整

瑞開三春祥合五雲既而緝總章之舊文紹辟
雍之故事非烟翼馭移玉輦于梁陰若月乘輪
祕金繩于岱嶽臣等職均芻狗陰謝桑榆幸屬
堯鏡多輝照餘光于連石軒圖廣耀追盛禮于
縱金然而鄒魯舊邦臨淄遺俗俱沐二周之化
咸稱一變之風境接青疇俯識獲麟之野山開
翠岬斜連辨馬之峯豈可使稷山遺氓頓隔封
禪之禮淹中故老獨奉告成之儀是用就日披

丹仰壁輪而三舍望雲抒素叫天闢于九重倘
允微誠許陪大禮則夢瓊餘息仰仙闕以相權
就木殘魂遊岱宗而載躍

和道士閨情詩啓

某啓學士袁慶奉宣教旨垂示閨情詩并序跪
發珠韜伏膺玉札類西秦之鏡照徹心靈同南
指之車導發迷悞竊惟詩之興作肇基邃古唐
歌虞詠始載典謨商頌周雅方陳金石其後言

張衡有桂林賦
伯喈有翠鳥賦

志緣情。二東斯甚。含毫瀝思。魏晉彌繁。布在縑
簡。差可商畧。李都尉鴛鴦之辭。纏綿巧妙。班婕
妤霜雪之句。發越清迴。平子桂林。理在文外。伯
喈翠鳥。意盡行間。河朔詞人。王劉爲稱。首洛陽
才子。潘左爲先。覺若乃子建之牢籠。群彥士衡
之籍甚。當時並文苑之羽儀。詩人之龜鑑。爰逮
江左。謳謠不輟。非有神骨仙才。專事玄風道意。
顏謝特挺。成伐典麗。自茲以降。聲律稍精。其間

沿改莫能正本。天縱明睿。卓爾不羣。聽新聲鄙
師涓之作。聞古樂笑文侯之睡。以封魯之才。追
自衛之迹。固弘茲雅奏。抑彼淫哇。澄五際之源。
救四始之弊。可以用之邦國。厚此人倫。俯屈高
調。聊同下里。文隨手變。韓娥慚其曼聲。思沿態
巧。延平愧其新曲。走以不敏。謬蒙提及。謹申奉
和。輕以上呈。未近詠歌。伏深悚慙。

上司刑太常伯啓

嬌艷之極

李廷撰曰賓王以妙才有聲唐世諸所上啓曰六甚工半為世人未吐之詞葛曦曰首叙所以伸于知己之意儀天以下致稱頌語一頌其基汰不允次頌其才學高邁三頌其爵位顯榮四頌其識度宏遠五頌其存舉無私六頌其虛懷禮善

陳仁錫曰隨風珠玉

側聞魯澤祥麟希委質于宣父吳坂逸驥實長鳴于孫陽是則所貴在乎見知所屈伸乎知己故雕其樸嶧山有半死之桐賞其音柯亭無未枯之竹伏惟常伯公儀天聳構橫九霄而拓基浸地開源控四紀而疎派自赤文薦祉曲阜分帝子之靈紫氣浮仙函谷誕真人之秀本支百代君子萬年道叶神交黃石授帝師之畧德由天縱白星降王輔之精峯秀學山列三墳而仰

止瀾清筆海委九流以朝宗登小魯之巖辨練光于曳馬臨大吳之國識寶氣于連牛垂秋實于談叢絢春花于詞苑辨河飛箭激牛翻白馬之津文江散珠圓波漱驪龍之穴是用德茂麟趾削桐葉以分珪道煥鶴池映桃花而曳綬既而揆留皇鑒忠簡帝心奉職春宮爍離光于青殿代工天府明台耀于紫宸綜理玄風燮調元氣洽暉禮闈皎愛日以流光毓彩文昌映德星

葛曦曰此言其
舉才無私為下
文荐已張本水
鏡一能譽其公
而明字服安頓
得好
陳仁錫曰能竊
其詞不能竊其
理與色
葛曦曰此下自
叙亦有與其荐
拔之意

桑一作絕

而開照。若乃識度宏遠。器宇疏通。明允篤誠。盛業隆于厚土。惠和忠肅。玄功格于上天。則伊陟謝其緝熙。巫咸慚其保乂。舉材應器。與士無私。水鏡澄花。炫金波于靈府。冰壺徹鑒。朗玉燭于神機。則鄧攸莫際其瀾。盧毓罕窺其術。故使妍媸各安其分。輕重不失其權。五教克敷。百揆時敘。折衝千里。魯連談笑之功。師表一時。郭泰人倫之度。加以分庭讓士。虛席禮賢。片善經心。揖

仲宣于蔡席。一言合道。接然明於鄭階。某蓬蘆布衣。桑樞韋帶。自弱齡植操。本謝聲名。中年誓心。不期聞達。上則執鞭為士。王庭希干祿之榮。次則捧檄入官。私室庶代耕之祿。然而忠不聞于十室。學無專於一經。退異善藏。進殊巧宦。搏羊用而高翥。浩若無津。附驥尾以上馳。邈焉難托。實欲投竿垂餌。晦幽質于涓濱。抱甕灌園。絕機心于漢渚。幸屬乾坤貞觀。烏兔光華。嵩山動

此後望其頤
昭有希思而報
意悽愴而下
語之極清新

佳聯

驥一作鹿

萬歲之聲德水應千年之色。雖無爲先宅。欣預
比屋之封。而有道賤貧。耻作歸田之賦。于是竭
來瓮牖。利見君門。指帝鄉以望雲。赴長安而就
日。美芹之願。徒有獻于至尊。蟠木之姿。誰爲容
于左右。明公決幾成務。論道經邦。一顧之隆。駘
足逾于仙驥。片言之重。魚目軼于靈蛇。庶望顧
兔維箕。動薰風于舜海。從龍潤礎。霈甘澤于堯
雲。則膾餘之魚。希振鱗于吳水。膳後之豕。翻化

龜于魯津。拜伏階墀。增懼水谷。

上李少常啓

竊唯陰陽作炭。化一氣以陶甄。天地爲爐。混萬
物爲芻狗。然則壁輪均照。或流景于萊城。玉燭
平分。獨翔寒於黍谷。是汗隆迭襲。榮悴相乘。得
氣者繁滋。失時者零落。伏以君侯疏乾激派。龍
門開竹箭之波。鎮地橫基。鵠翅峙蓮花之嶺。曜
重輝于若月。顯疊彩于非烟。至若瑞動赤光。著

一狀其世澤之
長遠。一狀其風
度之高峻。

此一作特

斯人安可得哉

元勳於東漢。舉驚紫塞。宣武功于北征。奕葉龍
光。聯蟬龜組。德攸天縱。白星降王輔之精。道叶
神交。黃石授帝師之畧。故得三千運北。擊舜海
以遊鱗。九萬圖南。望堯雲而矯翰。折衝千里。魯
連談笑之功。師表一時。郭泰人倫之度。于是九
重銜紱。懸星影于宸維。四達埋輪。振霜威于權
右。加以分庭讓士。虛席禮賢。片善必甄。挹虞翻
于東箭。一言可紀。許顧榮以南金。某蟠朽株。

散樗賤質。墻面難用。灰心易寒。退無毛薛之交。
進乏金張之援。塊然獨居。十載于茲矣。然而日
夜遷代。歎溝壑之非遙。貧病交侵。思薜蘿而可
託。欲乘幽控寂。進綺季于青山。樂道棲真。從魯
連于滄海。幸屬舜門。廣闢漢幣。交馳遂得。佇嘯
高丘。應箕文而動韻。聆音大野。浮艮岫以流陰。
將恐在藻。纖鱗終寡。登龍之望。棲榆弱羽。徒仰
搏鵬之高。所冀曲遠。恩光賚餘。潤于東里。襲承

言不忍自棄將
感時而出大有
風雲之思然滿
腔幽恨又不無
待援于人者

事引。此輕夢于南柯。撫已多慚。徇躬增懼。

上兗州啓

李迂机曰賓王
上兗州啟即琢
工絕為諸啓之
冠
陳繼儒曰清新
秀麗

側聞未遇孫陽。鹽車無絕塵之迹。時逢和氏荆
山有連城之珍。豈若聽清音于爨餘。則枯桐發
響。收夜光于玄璧。則怪石騰輝。在物猶然。況于
含識者矣。伏唯明使君鳳穴振儀。龍門標峻。瓊
雕岳立。表秀千雲。霞煥霜霏。澄虛鑒物。既而代
工天府。忠簡帝心。擁熊軾而撫百城。建隼旗而

陳仁錫曰妙語
可勒龍官

何大復曰賓王
嚴霜秋降之句
不如改降為殺
蓋殺与濡皆活

臨千里。坐棠敷惠。恩纏去思。剖竹垂仁。式歌來
暮。清凝夜燭。化警晨烏。外勗九農。內弘五教。道
之以禮樂。齊之以刑書。約法遵寬。設蒲鞭之耻。
立言唯信。控竹馬之期。甘雨隨車。雲低輕重之
蓋。珠還合浦。波含遠近之星。至如臥理稱難。坐
嘯匪易。披裳問疾。垂愛景以宇人。褰帷廣聰。穆
薰風而扇物。嚴霜秋降。叶隼擊而防小人。零露
漙漙。傷燕旌而禮君子。於是仁必有勇。吏不忍

字故也

絳音醉

其胸中之宏富

文江學海二聯

奇艷襲人

又曰此頌其礼

士之隆取善之

恕

此下自叙

陳仁錫曰深愁

花鳥之筆

葛驥曰賓王註

上卑賤至有希

餘拂望激雷等

語故為有道者

所不錄

欺美譽鬱于三齊。芳聲騰于萬古。若乃清規遠
 鏡。皎月色于靈臺。玄覽凝冰。穆松風于智府。研
 幾十篋。探賸九流。縛翠萼於詞林。絳仙花于筆
 苑。文江翻浪。織玉漱以韜霞。學海驚瀾。綴珠鱗
 于濯錦。加以懸榻待士。擁篲禮賢。汲引忘疲。獎
 題不倦。懷經味道之客。望範圍而駿奔。兼包流
 畧之夫。窺義園以遐集。求小善于毫芥。顧正禮
 于二龍。振幽滯于沙泥。許公明以一驥。某淹中

故俗體朴厚之弘。規稷下遺氓。陶禮義之餘化。
 頗遊簡素。少閱縑緙。每蟋蟀凄吟。映素螢于書
 帳。莎雞振羽。截碧蒲于翰池。既而學異懷蛟。才
 非夢鳥。價不齊于南漢。芳不重于東山。幸屬日
 月光華。雲霞紛郁。方結羨魚之網。將謠扣角之
 詞。奮短翮于搶榆。希高標之餘拂。濯纖鱗于涓
 滴。望鴻浪之微霑。所冀顧盼曲流。剪拂增價。則
 鉛刀起一割之用。跛鱉致千里之行。是知竊混

吹于齊等。溢飛聲于郢路。抱山雞而自慙。顧遼
豕以多慙。輕觸威嚴。不遑流汗。

上兗州崔長史啓

側聞豐城戢耀。駭電之輝。俄剖沙丘。跪迹躡雲
之轡。載馳然則。激湍侵星。佩潛蛟于壯武。騰鑣
歷塊。騁蹀駿于咸陽。且煦轍疲鱗。側羨鰲潭之
躍。觸籠短翼。肩望鵬程之飛。是以齊郊夕唱。牛
歌。揆白石之詞。漢境朝趨。車候驚拂塵之思。伏

對偶精奇造語
的確居然四六
之勝
蹀疾也

秀一作秀

清岳為河陽令
茂花滿縣

唯公騰瀾浴景。濬靈派以含珠。擢幹捎雲。翊孤
巖而聳桂。崇基疊秀。匡霸道于周盟。茂緒聯輝。
贊文場于漢戚。偉龍章之秀質。騰孔雀之俊年。
叶鳳彩于英姿。辨蟾精于弱歲。靈臺弘遠。馳霄
練于霜鐔。丹府幽深。絢朝虹于壁渚。心波湛漢。
泳曜魄于黃陂。情岳干天。韜風雲于稽巘。龍津
共濟。兢欣登御之車。蕪室欽賢。必擁澄清之轡。
鬱文條而耀彩。藻逸潘花。擘詞峯而銜價。光浮

衛玉然則崑溪既琢。必見山川之精。樹羽已懸。行嗣雲韶之響。是以左龜陰而愆化。務肅百城。輔麟壤以宣風。恩覃千里。微猷克著。逾盛德于休徵。聲績聿宣。軼英規于恭祖。佩呂刀而紹美。已贊褰帷之遊。屈龐驥而未伸。將騁仁風之駕。加以側階引彥。鑒黜子之遺言。倒屣延賓。辨王生之雅量。故使員流之下。探照乘于長波。高岫之巔。剖連城于幽石。某斗筭小器。蠅蚊末才。斜

帶嶧桐戢晞陽之厚德。傍隣汶篠慕貫時之貞勁。直以容膝一丘。曲阜之瓢遽切。枕肱五畝。成都之壁已窮。擔石厭于糟糠。負薪疲於短褐。然而少奉過庭之訓。長趨克已之方。弋志書林。咀風騷于七畧。耘情藝圃。偃圖籍于九流。灑惠渥于羊陂。屢泛文通之麥。峻曲岸于鶯谷。時遺公叔之冠。雖不能縱逸韻于霜臯。喚野致九天之響。而頗亦著清芬于露薄。垂薰有十步之芳。而

乃。恩。迹。魯。鴻。非。荆。山。之。抵。鵠。筵。名。韓。犬。嘆。稽。阜
 之。陸。梁。方。今。玉。瑄。纏。秋。金。風。動。籟。吳。宮。歸。乙。望
 陰。岫。以。依。遲。素。林。返。馬。候。陽。潮。而。低。舉。簾。金。味
 道。之。子。俟。纁。帛。以。彈。冠。屑。玉。合。毫。之。人。望。弓。旌
 而。翹。足。竊。不。揆。于。庸。識。輒。輕。擬。于。揚。庭。所。冀。曲
 逮。恩。波。時。流。咳。唾。儻。能。分。其。斗。水。濟。濡。沫。之。枯
 魚。惠。以。餘。光。照。孀。棲。之。寒。女。得。使。伏。櫪。駑。蹇。希
 騏。驥。而。蹠。足。竄。棘。翻。翮。排。鴛。鸞。而。刷。羽。則。捐。軀
 匪。吝。碎。首。無。辭。雖。復。投。報。楊。金。君。子。以。之。貽。戒。
 效。誠。魏。草。小。人。之。所。懷。恩。輕。瀆。威。嚴。深。懼。履。尾。
 載。塵。聽。覽。迫。甚。抱。冰。

上齊州張司馬啓

昔者薛邑聞歌。揖馮驩于彈鋏。夷門命駕。顧侯
 羸于抱關。何則志合風雲。戴笠均乎乘馬。情諧
 道術。忘筌貴乎得魚。是以挹蘭言于斷金。交蓬
 心于匪石。庶清音默聽。賞流水于牙絃。妙思通

此啟青思滿河
 于對仗之中却
 有一股氣連處
 寫出意猶如

每借古人之同
姓者以此其人
不可枚舉蓋唐
重世法故也
篇議曰此曰
直叙先代輔唐
之功曰秦為
以太宗初討秦
王也

三鋒謂文士之
筆端武士之鋒
端辨士之舌端

神叶成風于郢匠。伏唯公流源白水。浸地軸以
輪波。纂慶黃軒。感星精而誕命。綴珠華于七曜。
懸玉葉于五雲。至夫神石摘祥。靈鈎表貺。千年
馭鶴。振仙駕于帝鄉。七葉珥貂。襲榮光于戚里。
因以紛綸國牒。昭晰家聲。泊乎鹿走周原。輔秦
圖而興霸。蛇分沛澤。翼唐運以開基。常山王之
玉潤金聲。博望侯之蘭薰桂馥。羽儀百代。掩梁
寶以遐騫。鍾鼎一時。駕袁楊而岳立。故得重規

遠鏡。湛月路以流清。茂社遐舒。架雲門而擢秀。
公英飛鳳穴。藻五色以凝華。穎躍龍泉。涵九重
而毓潤。風情疎朗。霜明月湛之姿。氣骨端嚴。雪
白水清之槩。若乃性符神授。道擅生知。挫三端
于情鋒。朝九流于學海。博聞強記。辯晉國之黃
熊。將聖多能。識吳門之白馬。言泉漱迥。驚瀑布
以飛瀾。文江澹清。含濯錦而翻浪。鬱槐市以增
茂。穆蘭室以流芳。於是翔鱣應符。觀光上國。飛

潛一作藩

東箭南金復出

唐順之曰羅大
鍾云豈能常守
山林長親簞笠
但居市朝軒冕
時要使山林之
念不忘乃為謙
身賓王此啟始
去處山樓竊道
夏黃于高山又
云不意浮雲礎
潤露落鐘鳴即
山林且非其願
安望其市朝而

龍成卦。利見大人。搏羊角以垂天。展驥足而騰
景。翼貳潛邸。紹敬祖之清廉。光贊外臺。陳君回
之亮直。推公平而折獄。磔鼠謝其嚴明。擁端慤
以行仁。化蛇慚其智勇。加以清規日舉。湛虛照
于冰壺。玄覽露凝。朗機心于水鏡。謙光自牧。恭
已愛人。片善必甄。揖虞翻于東箭。一言可紀。許
顧榮以南金。某疾抱支離。材均擁腫。進不能渥
蘭。分竹。縮銀黃于雲臺。退不能絕粒。茹芝練金。

丹于地肺。而出沒風塵之內。漂淪名利之間。遊
無毛薛之交。仕乏金張之援。塊然獨處者。一紀
於茲矣。然而日夜相代。恐溝壑之非遙。貧病交
侵。思薜蘿之可托。願處幽控寂。追夏黃于商山。
樂道棲真。從魯連于滄海。豈圖語默易爽。心迹
難逃。從橋之恨逾深。攀桂之情徒切。是用絕心。
乾沒。耽閱丘墳。謁子特于南荆。訪康成于北海。
西遊梁益。仰司馬王楊之風。東入臨淄。慕淳于

山林之念不忘也

剡即剡也

駿音宗

管晏之智。瞻言前古。徒欲思齊。俯惟當今。空勞
懷剡。不意雲浮。礎潤霜落。鐘鳴揖郭。泰于仙舟。
有道斯在。賞駿明于徹俎。盛德猶存。雖雅調清。
歌誠寡和于郢路。而庸容濫吹。竊混奏于齊竽。
輕撮課囊。揄揚盛德。庶金波離畢。零陵之石自
飛。瑤光建寅。蕭丘之火漸熱。學慚麟角。德類鴻
毛。愧汗如漿。憂心若厲。

啓類

上廉使啓

每讀書見古人負米之情。捧檄之操。未嘗不廢
書輟卷。流涕傷心。何則。情蓄於中。事符則感。形
潛於內。迹應斯通。而悅帝力以棲魂。情欣養素。
仰皇華而暢慮。敢用披丹。伏惟公源控玉輪。激
神濤而涵地。基疏金闕。架飛岳以韜雲。泊乎鹿
走周原。霸燕圖于卽墨。蛇分沛澤。封漢爵于筆
城。福祿攸鍾。公侯必復。炳靈丹穴。襲吉黃裳。若

蔣一葵曰。官商
相間。繪素相雜。
然其間妙語多。
襲用太常伯啟。
豈文章大家。亦
自有帖括。而治
不能為駱丞。解
嘲也。

岳音余

詞麗意馳昂然
可掬

選一作選

乃峯秀學山列三墳而仰止。瀾清筆海委九流。
以朝宗登小魯之山。辨練光于亂馬。臨大吳之
國。識寶氣于連牛。垂秋實於翰林。絢春花于文
苑。清規湛秀。照月旦而雕談。素論凝玄。開夜光
于妙辨。既而業成麟角。引茅茹而彈冠。道映鳳
池。絢桃花而曳綬。揆留皇鑒。忠簡帝心。列職春
官。標離光于青殿。代工天府。明台耀于紫宸。故
得龍綉垂光。戟兩星而開照。鶴蓋浮影。翼五雲
以連陰。某大塊流形。小人餘慶。幸河神入昴。映
白榆以流祥。江使負圖。泛青蓮而薦兆。薰風廣
扇。聖日揚輝。進不能高議雲臺。談社稷之上務。
退不能銷形地肺。揖箕穎之餘芳。而出沒風塵。
湮淪名利。十年無棣。萬里惟桑。既而日遠長安。
出蓬門而西笑。雲飄吳會。遡松浦以南浮。冀塵
迹丘中。絕漢機於俗網。承歡膝下。馭潘輿於家
園。不悟地絡遐張。維白駒於空谷。天羅迥布。弋

霖霖音麥木猶
言流汗

森秀之骨滄遠
之氣性之後歎
側歷落中出人

巖青盈

黃鶴於高雲。顧已奮鉛。竝從媒銜。力農賤事。未
免東臯之勞。反哺私情。遽切南陔之詠。少希顧
復。輒布悃誠。雖噬臍思歸。空軫倚閭之望。而嚙
臂求仕。非圖高蓋之榮。明公資孝履忠。恕已及
物。惟幾成務。論道經邦。庶顧兔離星。動薰風於
舜海。從龍潤礎。需甘雨於堯雲。則白羽書生。自
銘恩於食稻。黃裳童子。將賽德於餐花。拜手迴
遑。傾心霖霖。

上瑕丘韋明府啓

側聞觸籠戢。翮負垂天而跼影。伏櫪羈蹄。望絕
塵而跪足。故以遊蓮遇綫。悟宋主於嬰羅。在藻
迷波。顧蒙莊於煦轍。是以臨淄遣婦。奇束縵於
齊隣。邯鄲下客。效處囊於趙相。伏惟明公締址
瓊峯。靈嶽蔽丹青之景。圖基珠溜。神流沃清漢
之波。玉札飛文。綜宏詞於楚傳。金羸緝藝。味雅
道於扶陽。孕蘭畹而生姿。澄霸鍾高門之慶。產

銅溪而寫鵝。荆藍資象德之頑。幼辨羶羊。演飛
龍之祕策。夙談孔雀。對家禽之麗詞。赤野浮炫
價之光珠。胎瑩色丹。穴陪來儀之迅。鳳彩含姿
靈襟轉壁。絢逸照於蘭池。神府驚蘋。韻清音於
桂浦。談叢散馥。韞餘氣於九蘭。筆海流濤。駭洪
波於八水。縮銅麟句。製錦鳧郊。化浹下車。恩孚
攬轡。德聲含詠。仁風飄十地之雄。道化編謠。惠
露灑三天之渥。狎中牟之馴雉。豈懼驍媒。驚重

泉之瑞鸞。非關照舞。雖則塵飛。范甑垂銀。有結
綬之華。而乃調理。宓絃烹雞。屈函牛之量。加以
招携。白屋勸誘。青衿遂使。漱流逸客。望驥足以
雲蒸。棲泌遺才。款龍門而霧會。某緯蕭末品。拾
艾幽人。寓跡零壇。挹危直之祕說。託根磬渚。戰
戰勝之良圖。幸以奉訓。趨庭束情。田於理窟。從
師負笈。耘性識於書林。至於九流百氏。頗總緝
其異端。萬卷五車。亦精研其奧旨。將欲優游三

蔣一葵曰上裴
侍郎書則以終
券辭及上司刑
破則有膾魚之
而上兗州啟則
有奮短翮云上
韋明府啟則有
沉骸九死等語
又汲之于進若
不及者前後兩
截人宜為行儉
穢破前非真情
故其語震後是
本相故其語哀

王世貞曰三泉
者小數之終言
深也極深為九
泉

此啟如青松獨
崔風韻幽遠

樂負杖以終年。棲遲一丘。鳴絃而卒歲。諒以糟
糠不贍。甘旨之養。屢空。簞食無資。朝夕之懷。寧
展。是以祈南陽之捧檄。擬毛義之清塵。思魯國
之執鞭。蹈孔丘之餘志。屬以蠶秋應節。鴈序屆
時。飈金將露。玉供清柳。黛與荷緇。漸歇。實含毫
振藻之際。離經析理之期。不揆彫朽之材。竊冀
遷喬之路。輒期泛愛。輕用自媒。倘荆璞無見。致
疑夜光不逢。按劍則沉骸九死。終望銜珠。殞首

三泉徒希結草。載塵清矚。跼影外慙。冒瀆威嚴。
循心內駭。謹啟。

上郭贊府啟

側聞樞精嘯谷。韻清籟於驚蘋。震德昇乾。爨玄
枝而布族。雖涸鱗濡沫。尚缺望於鯨波。而決羽
槍榆。頗思遷於鶯樹。伏惟公瓊基疊秀。積珠構
於三龍。玉幹驚華。燁瑤林於八桂。仙飛有道。榮
河泛高尚之舟。德驗通神。靈策洞幽明之境。產

援彼以與此用
意亦凄惋

耶溪而濯質。霜鍾靡豐匣之姿。孕鍾嶺而飛華。
 虹玉絢荆巖之氣。松秋表勁。翊頰霞而插極。菊
 晚馳芳。涵清露而炫沼。鑿懸龍鏡。明逸照於咸
 陽。韻入鳧鍾。驚洪音於長樂。心源泛藻。控鰲壑
 以朝宗。情岳披雲。掩龜岑而作鎮。惠牛曜辨。驚
 荀鶴於譚叢。楊鳳摘文。詠鄒龍於筆海。故佐銅
 章於磬渚。側扇文。鯀之風。戒墨綬於桐郊。讚誘
 祥鸞之化。絃揮單父。弼清韻於稽琴。化狎中牟。

翼駟輦於潘雉。加以延賢置驛。接士軾廬。采拔
 芻微。邁欽賢於司隸。提獎幽滯。軼取俊於淳于。
 某甕牖輕生。席門賤品。幸以參名比屋。悅康衢
 以自娛。預跡耦耕。欣日出而知作。又以家傳素
 業。弋書林而騁志。少奉庭闈。踐文苑以漁魂。至
 於白簡青緇。頗側探其奧旨。竹書石記。亦幽求
 其邃源。雖未能叫徹帝闈。聲馳宰府。而頗亦見
 雅里開。譽浹鄉閭。方今銀箭纏秋。金壺應節。吮

無論其情事之
絕此數語何
其清疎而香潔

泠音潛又音岑

墨翹足期蓬跡於一枝味道彈冠望橫經於重
席不量庸昧竊冀揚庭伏乞恩波暫垂迴盼儻
使陳留逸調下探柯亭之篠會稽陰德傍眷餘
溪之蔡則迴眸之報不獨著於前龜清亮之音
誰專稱於往笛雖滄溟遠量敢不媿於牛泠而
嵩岱鴻恩終情酌於蟻垤輕喧視聽憂讐唯深
猥瀆階庭兢惶交集謹啓

上梁明府啓

鬆散極得趣入
深偏有情
李迂机曰此啓
無多字而有餘
思精練工緻特
其餘耳

昔者聞歌薛邑賞彈鈇於馮謹佇駕夷門揖抱
關於侯子豈徒成風之斲妙思通神流水之絃
清音入聽況夫志合者蓬心可采情諧者蘭味
寧忘伏惟公儀天聳構層基控射牛之峯浸地
開源驚濤疏釣鰲之浦至夫封侯廟食掩金許
以霞褰三主八公罩袁楊而岳立於是功超振
鷺位典烹鮮水鏡澄瀾照翔鸞之舞影唵琴動
操叶馴雉之雅音既而盛德有隣佐皇華而撫

單一作駕

詩
高張曰字句爭

真交情相異語

薄一葵曰裴行
儉欲以書記云
事委駱之有母
在欲終養故辭

之如此誰謂賓
王才士而無器
識耶

陳仁錫曰情切
音氣每讀之
流下

俗。君子不器。扈輶軒以觀風。某蒲石橘遷。聲鄉
蓬轉。不叶十室。無專一經。攀驥逸而無由。仰鵬
飛而自失。公顧盼成飾。唾咳為恩。庶微潤於江
波。冀末光於降燭。使幽禽遷木。侶丹山於帝梧。
鳴石在川。應黃鍾於仙管。敢布心也。詎能望焉。

上吏部裴侍郎書

即裴行儉

書不盡言。言不盡意。然則理存乎象。非書無以
達其微。詞隱乎情。非言無以筌其旨。僕誠鄙人

也。頗覽前事。每讀古書。見高臺九仞。曾參負北
向之悲。積粟萬鍾。季路起南遊之嘆。未嘗不廢
書輟卷。流涕沾衣。何者。情蓄於中。事符則感。形
潛於內。迹應斯通。是布腹心。罄瀝肝膽。庶大雅
含弘之度。矜小人惻款之誠。惟君侯察焉。賓王
一藝罕稱。十年不調。進寡金張之援。退無毛薛
之遊。亦何嘗獻策干時。高談王霸。銜材揚已。歷
抵公卿。不汲汲於榮名。不戚戚於卑位。蓋養親

陳仁錫曰勢利
相傾一語恐四
人不厭

之故也。豈謀身之道哉。不圖君侯忽垂過聽之
恩。任以書記之事。擬人則多慚。阮瑀入幕則高
謝。邈超昔聶政。荆卿刺客之流也。田光豫讓。烈
士之分也。咸以勢利相傾。意氣相許。尚且捐軀
燕趙。甘歿齊韓。今君侯無求於下官。見接以國
士。正當陪麾後殿。奉節前驅。賈餘勇以求榮效。
輕生而答施。而顧逡巡於成命。躊躇於從事者。
徒以夙遭不造。幼丁閔凶。老母在堂。常嬰羸恙。

此孝子真腸

藜藿無甘旨之膳。松楸闋遷厝之資。撫躬存亡。
何心天地。故寢食夢想。噬指之戀。徒深歲時。蒸
嘗崩心之痛。罔極。若僕者。固名教中一罪人耳。
何面目以奉三軍之事乎。況屬天倫之喪。奄踰
七月。違膝下之養。忽已三年。而凶服之制。行終
哀疚之情。未洩。興言永慕。舉目增傷。夫怨於心
者。哀聲可以應木石。感於情者。至性可以通神
明。故徐元直指心以求辭。李令伯陳情以窮訴。

哀聲一作衷誠

蔣一葵曰李密為祖母陳情辭官而後以還遲怨望獲罪人固不可以本末論云
言于賓王云

陳仁錫曰以兒女口吐丈夫腸

陳仁錫曰艷鹿中韻折

上以棄興王之佐命。下以全奉親之篤誠。而蜀主不以為非。晉君待之逾厚。此二者。豈貪貧賤。惡榮華。厭萬乘之交。甘匹夫之辱也。蓋有不得已者哉。人有乾沒為心。脂韋成性。舍慈親之色。養奉明主。以驅馳內忘顧復之私。外存傳會之眷。薄骨肉。厚榮寵。苟背恩而自效。則君侯何以處之。且義士期乎貞夫。忠臣出乎孝子。既不能推心以奉母。又焉能死節以事人。假物議之無

嫌。實吾斯之未信也。況流沙一去。絕塞千里。子迷入塞之魂。母切倚閭之望。就令歡以卒歲。仰南薰之不貲。而使憂能傷人。迫西山而何幾。君侯情深。錫類道叶天經。明恕待人。慈心應物。儻矜犬馬之微願。憫燕雀之私情。寬其負恩。遂其終養。則窮魂有望。老母知歸。

與程將軍書 卽元振

昨見武郎將備陳將軍之言。恩出非常。談過其

萬典謨雅重
大文字出自織
麗手中尤為不
測

實。恭聞嘉惠。深用慚惶。君侯懷管樂之材。當衛
霍之任。豐功厚利。盛德在人。送往事居。元勳蓋
俗。智足以興皇業。道足以濟蒼生。尚且屈公侯
之尊。伸筦庫之士。若下僕者。天地一無用芻狗
耳。粵自旌賁之辰。卽逢聖明之曆。材不經務。不
能成佐命之功。知不通時。不能包周身之慮。加
以天資木強。不能屈節權門。地隔蓬心。不能買
名時議。常願爲仁由已。喪我於吾。見機可以絕

機。無用之爲有用。隨時任其舒卷。與物同其波
流者矣。其於木也。曾般無所措其鈎繩。其於駕
也。伯樂無所施其銜策。不悟聖朝發明揚之詔。
君侯緝雍熙之道。曲垂提獎。廣借游揚。假以樗
櫟之姿。忝預賢良之薦。當今鴻都富學。麟閣多
英。非游夏不可以升堂。非夔牙不可以擊節。儻
使片言失德。事暴區中。匹夫竊議。語流天下。進
乖得賢之舉。退貽薄德之譏。恐不肖之軀。爲高

陳仁錫曰深白
抑畏

究一作完

迂濶

仁錫曰感而
且愴文生于情

明之累耳。必能一盼增價。九術先登。燕昭為市
駿之資。郭隗居禮賢之始。則當效駑鉛之用。飾
固陋之心。陶鑄堯舜之典謨。憲章文武之道德。
上以究三才之能事。下以通萬物之幽情。將使
詞翰為行已外。篇章是立身岐路耳。又何足
道哉。言而不慙者。恃惠子之知我也。所恨禁門
清切。造別無緣。官守牽纏。風期有限。某尚期辭
滿儻。泛孤舟。萬里烟波。舉目有江山之恨。百齡
心事。勞生無畧。刻之歡。嗟夫。流水不窮。浮雲自
遠。沾襟此別。把袂何時。恃以平生之私。忘其貴
賤之禮。再拜。

答員半千書

張評事至。辱惠書及詩。把玩無厭。暫如有序。上
言離恨。下勗交情。篤以猛風乾蘇之談。彌以驟
雨濕薪之喻。雖聞義則徒道。存於起予。而擬人
失倫。事均乎翫物。借如誠說。蓋足下之不知言。

博夫精雅詞氣
文且錯雜中
有條理轉接處
有節奏如大海
迴風濤聲接天
壞矣

倘或劇談。豈吾人之所仰望。夫鯤之爲魚也。潛碧海。泳滄流。沉鯁於渤海之中。掉尾乎風濤之下。而濠魚井鮒。自以爲可得而齊焉。鵬之爲鳥也。刷毛羽。恣飲啄。戢翼於天地之間。宛頸乎江海之畔。而雙鳧乘鴈。自以爲可得而褻焉。及其化羽垂天。搏風九萬。振鱗橫海。擊水三千。寧豈借翰於槍榆。假力於在藻。資江濱涓流之水。待堀堞揚塵之風哉。故張子房之達人也。擊水搏

道一作遇

形一作情

陳仁錫曰個中
當有所得

風之適焉。朱買臣之屈士也。戢翼沉腮之致焉。足下雅得古人之致。不乏先賢之道。自守莊筌。無嬰魏網。亦寧不知在藻。槍榆之力。非擊水搏風之助乎。而詞旨殷勤。深所未喻。盍言爾志。豈若是乎。夫人生百年。物理千變。名利寵辱之形立矣。愛憎毀譽之迹生焉。其有道在。則尊德成。而上幽貞爲虛白之室。靜默爲太玄之門。知軒冕是儻來。悟榮華非力致。苟斯道不墜。亦何患

曷曷曰滿腔幽
恨心目相闕忽
語得此苦語妙

辭韻動人

此語便淒其可

乎無成。而欲圖僥倖於權重之交。養聲譽於衆
多之口。斯所以揚朱徘徊於岐路。阮藉怵惕於
窮途。嗟乎。霜往露來。歲寒不待。山高河廣。離會
無時。桂樹寒花。公子去而忘返。松巖春草。王孫
遊乎不歸。去矣。員生。遠離隔矣。音塵不嗣。情其
勞矣。畏途空谷。靜躁殊矣。惠存好我。無密爾音。
與博昌父老書

雲雨俄別。封壤異鄉。春渚青山。載勞延想。秋天
白露。幾變光陰。古人云。別易會難。不其然也。自
解携襟袖。將十五年。交臂存亡。畧無半在。張學
士溘從朝露。辟閭公倏掩夜臺。故吏門人。多遊
蒿里。耆年宿德。但見松丘。嗚呼。泉壤殊途。幽明
永隔。人理危促。天道奚言。感今懷昔。不覺涕之
無從也。過隙不留。藏舟難固。追惟遊者。浮生幾
何。哀緣物興。事因情感。雖蒙莊一指。殆先覺於
勞生。秦佚三號。詎忘情於怛化。啜其泣矣。尚何

時所見真境
出不覺形容
筆端

云哉。又聞移縣就樂安故城。廨宇邑居。咸徙其
地。里閭阡陌。徒有其名。荒徑三秋。蔓草滋於舊
館。頽墉四望。拱木多於故人。嗟乎。仙鶴來歸。遼
東之城郭。猶是靈烏代謝。漢南之陵谷。已非昔
吾先君。出宰斯邑。清芬雖遠。遺愛猶存。延首城
池。何心天地。雖則山河四塞。足稱無棣之墟。松
檟千秋。有切維桑之里。故每懷夙昔。尚想經過
于役不遑。願言徒擁。今西成有歲。東戶無爲。野

此語始真殆非
宦情薄套語

老清談。恬然自得。田家濁酒。樂以忘憂。故可洽
賞當年。相歡卒歲。寧復惠存。舊好追思。昔遊所
恨。跂予望之。經途密邇。竚中衢而空軫。巾下澤
而莫因。風月虛心。形留神往。山川在目。室邇人
遐。以此懷勞。增其嘆息。情不遺舊。書何盡言。

與親情書


風壤一殊。山河萬里。或平生未展。或睽索累年。
存歿寂寥。吉凶阻絕。無由聚洩。每積淒涼。近緣

善與前父老書
意同彼華而此
質


接桐一作按相

之官。佐任海曲。便還故里。冀敘宗盟。徒有所懷。未畢斯願。不意遠勞折簡。辱逮沉淪。雖未敘言。暫如披面。晚夏炎鬱。並想履宜。某初至鄉閭。言尋舊友。耆年者化爲異物。少壯者咸爲老翁。山川不改舊時。丘隴多爲陳迹。感今懷古。撫存悼亡。不覺涕之無從也。詢問子姪。彼亦凋零。永言傷情。增以悲慟。雖死生之分。同盡此途。而存亡之情。豈能無恨。終期展接。以申闊懷。取此月二十日。棲桐成禮。事過之後。始可得行。祇敘尚賒。傾繫何極。各願珍勗。遠無所詮。

唐駱先生集卷五



國家圖書館, NATIONAL CENTRAL LIBRARY, TAIWAN, R.O.C.



唐駱先生集卷六目錄

序類

李長史宅宴序

冒雨尋菊序

晦日楚國寺宴序

餞宋少府之豐城序

初春邢嶺送益府參軍序

秋日餞麴錄事使西州序

饒李八騎曹詩序

揚州看競渡序

秋日與羣公宴序

唐駱先生集卷六

序類

秋日於益州李長史宅宴序

夫以五嶽棲真。杳渺青溪之上。六爻貞遁。一作思遁寂寞

滄海之濱。斯竝激俗矯時。獨善之風。自遠懷材。

韞價兼濟之道。未弘長史公玄牝凝神。虛舟應

物。得喪雙遺。巢由與許。史同歸。寵辱兩存。廊廟

與山林齊致。乘展驥之餘暇。俯沉犀以開筵。曲

唐初存引只即
景言之而不及
議論亦一時之
體韓柳而下
毀修式有
子與此不但
文任之殊亦世
道人心之一變
也

詩之但置水于
門曰欲吾清也
山簡鎮襄陽每
遊自家池

一際謂卯酉午
戌亥為陰陽之
會

陳仁錫曰四美
二難

葛曩曰借斷金
之義以黃對白
妙甚
又曰首四句把
序意提明詞案
有風趣

揚道賓曰王勃
滕王閣序云落
霞與孤鶩齊飛
秋水共長天一
色二公一時人
然此二句景詞
可以顛頑矣
蔣一葵曰此句
與滕王閣序
賞蓋一時詞家

浦澄漪似對任棠之水。茅亭典洽如歸山簡之
池。加以秋水盈襟。寒郊滿望。洲渚肅而蒹葭變。
風露凝而荷芰疎。忘懷在真俗之中。得性出形
骸之外。雖四子講德。已頌美于中和。而五際陳
詩。未形言于大雅。爰命虛設題而序之。弁側山
頽。自有琴歌留客操。觚染翰。非無池水助人盍
各賦詩。式昭樂事。

冒雪尋菊序

白帝徂秋。黃金勝友。解塵成契。冒雨相邀。問涼
燠。則鴻鴈在天。敘交遊。則芝蘭滿室。砌花舒菊。
還同載酒之園。岸葉低松。直汎維舟之浦。參差
遠岫。斷雲將野鶴俱飛。滴瀝空庭。竹響共雨聲
相亂。抑折巾於書閣。行閱飄麩。挹雅步于琴臺。
坐聞流水。字中蝌蚪。競落文河。筆下蛟龍。爭投
學海。珠簾映水。風生曳露之濤。錦石封泥。雨濕
印龜之岸。泛蘭英于戶牖。座接鷄談。下木葉于

志興所到下筆
自可辭之富人
肆遊彼此珍錯
不必詢其做效
誰何也

中池。厨烹野鶴。墜白花于濕桂。落紫蕪于疎藤。
雖物序足悲。而人風可愛。留姓名于金谷。不謝
季倫。混心迹于玉山。無慚叔夜。

晦日楚國寺宴序

夫天下交通。忘筌蹄者蓋寡。人間行樂。共煙霞
者幾何。群賢挹古人之清風。翫新年之淑景。情
均物我。緇衣將素履同歸。迹混汗隆。廊廟與江
湖齊致。于時春生城闕。氣改川原。聞遷鶯之候。

以寺中之宴故
所用皆禪學因
方為珪遇負成
辭無不臻其妙
竟

時行欣宦侶。見遊魚之貪餌。坐悟機心。加以慧
日低輪。下禪枝而返照。法雲凝蓋。浮定水以涵
光。忘懷在真俗之中。得性出形骸之外。雖交非
習靜。多慚谷口之談。庶醉可逃喧。自得山陽之
氣。詩言志也。可不云乎。

餞宋少府之豐城序

黯。然。銷。魂。者。豈。非。生。離。之。恨。歟。帝。里。天。津。槐。衢。
分。黑。龍。之。水。巴。陵。地。道。楓。江。連。白。馬。之。門。親。友。

起句別是一局
江淹賦云黯然
已身也蓋借心

揚慎曰古山嶺
之嶺但作嶺漢

書梅嶺嶺嶺是
也蘭亭帖崇山
峻嶺實述用之
唐褚遂良加山
作嶺贅也
他鄉杯酒擬飲

樂
初春光景

徘徊。締歡言于促膝。故人尊酒。掩離涕于交頤。
手時晚。吹吟桐。疑奏離別之曲。輕秋入麥。似驚
搖落之情。白日將頽。青山行暮。想姑蘇之地。夕
露沾衣。望吳會之郊。斷雲飄蓋。嗟乎。岐路是他
鄉之恨。溝水非明日之歡。玉斗臨吳。太阿之氣
可識。金陵背楚。小子之路行遙。盍各賦詩。式昭
離緒。

初春邪嶺送益府參軍序

分首三春。送君千里。青山白日。非舊國之春秋。
翠華清樽。是他鄉之杯酒。況復圭峯南望。切登
高之情。渭水北流。動臨川之嘆。于時寒光將過。
春景未華。殘雪飄花。猶開六出。輕冰涵鏡。未解
三川。晨風軫孫楚之情。岐路下楊朱之淚。雖載
言載笑。賞風月于離前。一詠一吟。寄心期于別
後。詩言志也。可不云乎。

駢錄事使西川序

情真景佳曲盡
天孫之巧

越音標風疾也

班兮布不進之
貌

麴錄事務切皇華指輪臺而鳳舉群公等情敦
素賞臨別館而鳧分促樽酒以邀歡望山川而
起恨于時露團龍隰雲歛鴈天落葉響而庭樹
寒殘花疎而蘭皋晚聞秋聲之亂水已愴分溝
對零雨之飄風倍傷岐路五日之趣未淹蘭籍
之娛二星之輝行照葱河之境清颺朗月我則
相思隴水秦川君方嗚咽行歌不定遽驚班馬
之嘶贈言可申聊振飛魚之藻人探一字四韻

四篇

贈季八騎曹詩序

夫人生百齡促膝是忘言之契丈夫四海交頤
非贈別之資然而想山水之旣遙送歸將遠惜
歲華之不待行樂無時是用輟征驂以少留敞
離亭而多暇山芳襲吹坐疑蘭室之中水樹含
春宛似楓江之上加以御溝新溜近入離絃賓
館餘花遙催別酒旣而滌波東注灞岸南登綠

寒冥中語復奇
鹿

我傾而高宴終。金烏落而離言促。雖相思有贈。
終結想于華滋。而素賞無睽。盍申言于麗藻。人
爲四韻。各賦一言。

揚州看競渡序

夏日江干。駕言臨眺。于時桂舟始汎。蘭棹初游。
鼓吹咽江山。綺羅蔽雲日。嬈娟舞袖。向綠水以
頻低。飄颺歌聲。得清風而更遠。是以臨波笑臉。
豔出浦之輕蓮。映渚蛾眉。麗穿波之半月。靚粧

將一葵曰錦心
繡口落筆自是
不同然而比于
漁矣
清新俊麗四六
之雖龍也

舊飾此日增奇。絃管相催。茲辰特妙。能使洛川
迴雪。猶賦陳思。巫嶺行雲。專稱宋玉。凡諸好事。
請各賦詩。

秋日與群公宴序

昔挂瓢隱舜。蹈箕山而不歸。結組逃齊。遡滄波
而長往。咸用潛心物外。擯影丘中。豈若擬迹小
山。陶心大隱。叶仲長之怡性。偶潘岳之棲閑。群
公或道洽忘筌。契金蘭而貴舊。或情深傾蓋披

眼前之景宛
如含意道不盡
凄感之意

玉葉以交新。于時玉女司秋。金烏返照。烟含碧
篠。結虛影于鱗枝。風起青蘋。動波文于翼態。庭
榴剖實。擊丹彩以成珠。岸石澄瀾。泛清漪而散
錦。旣而誓敦交道。俱忘白首之情。款爾連襟。共
挹青田之酒。不有雅什。何以摠情。共引文江。同
開筆海。



國家圖書館, NATIONAL CENTRAL LIBRARY, TAIWAN, R.O.C.

唐駱先生集卷七目錄

雜著類

應詰

自敘狀

祭趙郎將文

對策文三道問目附



國家圖書館, NATIONAL LIBRARY, TAIWAN, R.O.C.

王世貞曰秦德
公始為伏詞曰
伏者金氣伏藏
之日也
茅瓚曰此篇以
魚喻人之涉世
最後釣川釣因
之論尤高人一
着
李廷机曰此與

唐駱先生集卷七

雜著類

應詰

予○以○三○伏○時○行○至○七○里○灘○此○地○卽○新○安○江○口○也○
有○嚴○子○陵○釣○磯○焉○澄○潭○至○清○洞○徹○見○底○往○往○有○
羣○魚○戲○歷○如○行○空○中○人○有○釣○者○試○取○餌○投○之○或○
有○浮○而○不○顧○者○或○有○貪○而○輒○吞○者○引○竿○而○舉○因○
以○獲○焉○其○始○出○也○乃○掉○尾○揚○鬚○有○若○恃○力○而○自○



國家圖書館, NATIONAL CENTRAL LIBRARY, TAIWAN, R.O.C.



徵君棟獵扁同
一机軸可以參
看

馮子莊周二語
借故事作深論
起使百家手段

葛洪曰此祝以
鳥獸起此喻
蓋其見獲而
故放之也為下
文詰難張本

莊復豈曰兩漢
有解嘲答賓諸
作賓王步武而
獨出机軸立意

超然高出諸人
之上

葛洪曰以放之
孔丘申上論焉
數龜龍之素與
莊子智有所因
神有所不及意
同

勉其少退也。則鼓鯁濡沫。有似屈體而求哀。嗟乎。勢牽於人道。窮於我將欲以下座而歌。馮子又安能中轍而呼莊周哉。余乃祝曰。猛獸搏也。拘于陷穽。鷲鳥攫也。繫于樊籠。素龜靈也。披髮河津。白龍神也。挂鱗豫且。何不泥潛而穴處。何故貪餌而吞鈎乎。於是放之江流。盡其生生之理。時同行者顧詰余曰。夫至人之處世也。擬迹而後投。隱心而後動。終始不易其道。海客不生

其情。而吾子沉緝於川。登魚於陸。烹之可以習政術。羞之可以助庖厨。曩求之將何圖。今舍之將何欲。余笑而應之曰。聖人不凝滯于物。智士不推移于時。知幾之謂神。含生之謂道。殷乙聖也。囚于夏。孔丘賢也。畏於匡。且夫明哲之賢。尚罹幽憂之患。况鱗羽之族。能無弋釣之累哉。故曩吾有心也。求之不得。今吾無心也。故既得而捨。求與捨。不亦雙美乎。烹與羞。不亦兩傷乎。况

揚道賓曰只就
釣字上發許大
議論

歸有光曰此等
文字悉從莊列
點化來而無一
字蹈襲

葛巖曰此言大
丈夫有釣國之
志與鮑肆漁父
若迥別正明所
以放魚之意寓
意甚微

義烏指意之深
遠寄興之悠長
微而顯絕而續
正而變觀其自

療饑者半菽可以克腹。為政者一言可以興邦。
亦奚必因小鮮而後明三異之規。勦大命而後
冀一餐之飽。擒而不殺。可不謂仁乎。獲而不烹。
可不謂廉乎。且夫投竿而為事者。太公之遺術
也。形坐磻溪之石。兆應滋水之璜。夫如是者。將
以釣川耶。將以釣國耶。然後知古善釣者。其唯
太公乎。又有妙于此者。其唯文王乎。夫文王制
六合而為釣。懸西伯而為餌。筮之于清廟。投之

于巨川。一舉而獲太公。再舉而登尚父。由此觀
之。蹲會稽而沈皓者。鮑肆之徒也。踞滄海而負
鰲者。漁父之事也。斯竝眇小者之所習。安知丈
夫之所為哉。

自叙狀

伏奉恩旨。令通狀。自叙所能。某本江東布衣也。
幸屬大爐。與觀合璧光輝。易彼上農。叨茲下秩。
于今五年矣。然而進不能談社稷之務。立事衰

叙狀可不謂豪傑之士哉

中。退不能掃丞相之門。買名天下。徒以黃離元吉。白賁幽貞。沐少海之波瀾。照重光之麗景。雖任能尚齒。載弘進善之規。而觀過知人。異降自媒之旨。是用披誠歷懇。以抒愚衷。若乃忘大易之謙光。矜小人之醜行。彈冠入仕。解褐登朝。飾懷祿之心。效當年之用。莫不徇名養利。勵朽磨鉛。自以身負管樂之資。志懷周召之業。若斯人者。何勝道哉。而脩譽察能。聽言觀行。捨真筌而

計武氏徽誠白
大節不可奪

擇士。沿虛談以取材。將恐有其語而無其人。得其賓而喪其實。故曰知人不易。人不易知。抑又聞之。知臣莫若君。知子莫若父。誠能簡材試劇。考績求功。觀其所由。察其所以。臨大節而不可奪。處至公而不可干。冀斯言之無虧。於從政乎。何有。若乃脂韋其迹。乾沒其心。說已之長。言身之善。覲容冒進。貪祿要君。上以紊國家之大猷。下以賣狷介之高節。此凶人以為耻。况吉士之

收煞處尤妙

為榮乎。所以令銜其能。斯不奉令。

祭趙郎將文 代李義作

唯靈降精辰象。委質昌期。棄筆文場。早徇封侯之志。影纓武帳。坐昇戎秩之榮。屬滇浦挺妖。昆明習戰。應星文而動將。奉天討以揚威。不能弘妙筭于五戎。叶神謀于九變。致令王師失律。兇狡憑陵。雋穴南臨。同五溪之深入。邛關北阻。類雙嶠之不歸。亭候多虞。故有負于明代。春秋責

字下委婉凄其
令人不能仰視

孟春之月掩骼
理皆

帥。豈無慚于幽途。夫任賢與能。明君之事也。陳力就列。忠臣之節也。雖見危授命。固誠節之有餘。臨難權機。何智謀之不足。嗚呼哀哉。某猥以散材。謬專分閫。途經夷落。路踐戎場。停疲驟于九原。悲來有地。痛遺骸于四野。泣下無從。暫輟征旅之勤。爰崇掩骼之義。庶幽靈有托。梧丘息入夢之魂。壯士不還。薤歌起送終之曲。嗚呼。九真邊徼。萬里長安。城危疎勒。山峻臯蘭。因原為

三茶綜核世務
切中人情其音
調清雅筆勢雄
傑有穿雲裂石
之聲冲霄貫日

之氣

洪厓三皇時異
人

隴。卽壤成棺。夕陰曠而平蕪。晦。秋風急而荒戍。
寒。哀哉。異域幽埏。但有新栽松柏。他鄉古木。非
復舊邑枌榆。感平生其若在。聊申素酒。儻幽靈
之不昧。式薦篋膠。

對策文

問岱岳遊魂。入佳城而怛化。瀛洲羽客。竦鶴轡
而輕舉。雖則備于縑素。昭晰可觀。求諸耳目。虛
無罕驗。棄杖成龍。有異虞翻之旨。銜恩結草。寧
符宗岱之言。二者何從。爾其揚榷。

對遐觀素論。眇覲玄風。唯鬼唯仙。難究難測。至
夫滕公長往。佳城開白日之徵。洪厓不歸。曾丘
控紫雲之蓋。或崇成蒼狗。自是趙王之神。道協
赤龍。爰通陸安之治。玉壘變萇弘之血。金闕化
浮丘之靈。固能目覩桑田。來作西王之使。東方朔魂遊
蒿里。還爲北帝之臣。孔子然而將聖生鄒。本忘情于
語。椎多材封魯。亦默論於通仙。泊乎大義已乖。

歷：參証以驗
仙鬼之不誣惑
切精到

斯文將墜。于是八儒三墨之道。異軫分馳。九流
百家之文。殊途競爽。語仙則有無交戰。語鬼則
虛實相紛。遂使結草抗軍。爰乖宗岱之論。化竹
游水。有異虞翻之言。然而博訪古書。緬尋曩冊。
徇其浮說。徒有奔競之談。求諸至言。抑匪通經
之旨。何則。高明瞰室。已著六爻之文。太虛游形。
式編三洞之錄。故齊公出獵。遇豕啼於貝丘。周
嗣登仙。浮鶴軒於洛浦。况乎干寶碩德。已緝搜
神之書。劉向通儒。非無列仙之傳。斯皆實錄。諒
匪虛談。謹對。

問士農工商。四民各業。廢一不可。取譬五材。而
闡里致言。鄙於學稼。漆園著論。爰稱絕機。豈先
聖垂文。義有優劣。將隨方設教。理或變通者哉。
爾其大陳用啟前惑。

對出震登皇垂衣裳而馭錄。乘乾踐帝。順舒慘
而字氓。莫不列九土以開疆。因四人而安業。故

弘雅淡宕具見
功力

數一作教

王世貞曰甲令獨首篇也

滋泉即太公釣所洛陽賈祖年未二十出對公車

一派机趣而格驚法老叙事毫無訛而絕有神

晨為政本。兩漢舉力田之勤。財用聚人。九市列言商惟金之利。陟龍門而就日。入仕彈冠。斷蟬翼以言士成風。追工運斧。因人成事。隨利濟時。蓋五帝通規。三王茂範。然則泣麟上聖。訓三千以領徒。夢蝶幽人。搏九萬以濟物。欲使丘門志學。析以問農之言。漢渚絕機。杼以灌園之巧。斯乃變通權數。趨舍適宜。當今海內又安。天下樂業。仕植舊德。農服先疇。自可孫弘獻書。以待公車之制。王

丹載酒時慰田家之勞謹對

問四十強仕。七十懸車。著在格言。存諸甲令。然則顏駟韞價。殆乎白首。和尊播美。始自髫年。欲使滋泉之彥。必臻洛陽之才。無舍則隄防。或爽襟帶。徒施其道如何。佇聞嘉答。

對竊聞大人有作。義佇良材。貞士徇名。理資明主。是知君必待士。士必待君。故使飛龍在天。聖智有賢明之佐。巨魚縱壑。元后得唐虞之臣。然


甫一作方庭一
作室

應前閣鎖

二龍陸凱陸雲
也三豕子夏曰
乃已亥也

昇扶謂曰舍桂
謂月

否泰或爽材運難并歲漸懸車尚牧淄原之豕
年甫志學且珥漢庭之貂是知因藉時來和君
播玄齟之俊當其未遇顏生致白首之勤語其
古今稽之運會雖則人事抑亦天時當今乘六
御天得一居帝翹車獵彥束帛旌賢故當桂幽
人罷韞真於文豹青蓮江使自裂兆於飛熊豈
止洛陽之才來儀漢國滋泉之叟降止周朝而
已哉某談謝二龍識迷三豕徒以鑽木輕炤仰
昇扶而燿輝化草餘光對含桂而炫彩迴遑如
失俯仰多慚謹對



國家圖書館, NATIONAL CENTRAL LIBRARY, TAIWAN, R.O.C.

唐駱先生集卷八目錄

檄類

代徐敬業起兵誅武后檄

姚州道破逆賊諾沒弄揚虔柳露布

又破設蒙儉露布

李贄曰檄者聲
 彼之罪致我之
 討也漢史有傳
 檄而定之語則
 檄所送未久矣
 必有明目張膽
 之文方合于檄
 體
 茅贛曰平叙
 起便沉着痛快
 歸有光曰筆端
 如画真寫出盡
 媚之態
 林希元曰歷暴

唐駱先生集卷八

檄類

代李敬業起兵誅武后檄

彼僞周武氏者。人非溫潤。地實寒微。昔充太宗
 下陳。曾已更衣入侍。泊乎晚節。穢亂春宮。密隱
密隱字為高
 先帝之私陰。圖後庭之嬖。入門見嫉。蛾眉不肯
 讓。人掩袂工讒。狐媚偏能惑主。陷元后于暈翟。
歷數其罪
 致吾君之聚麀。加以虺蜴為心。豺狼成性。睚眦

武氏罪惡真無
容身之地薛嚴
義正文更清響
似此文字三字
宙間氣

蔣一葵曰是時
昌宗兄弟白馬
寺主皆未到手
少了幾句稱頌
語

羅大經曰定大
策者潛慮而密
謀声大義者明
目而張胆夫子
之墮三都王陵
之廷諍竄王之

討檄自不可少

第一作食

李廷機曰理直
布氣自壯有萬
夫莫當之勇而
詞自感慨悲傷

陳仁錫曰美人
之舌烈士之腸

邪。伎。殘。害。忠。良。殺。子。屠。兄。弑。君。鷓。母。神。人。之。所
共。疾。天。地。之。所。不。容。猶。復。包。藏。禍。心。窺。竊。神。器。
君。之。愛。子。幽。之。別。宮。賊。之。宗。盟。委。之。重。任。嗚。呼。
霍。子。孟。之。不。作。朱。虛。侯。之。已。亡。燕。啄。皇。孫。知。漢。
祚。之。將。盡。龍。漦。帝。后。識。夏。庭。之。遽。衰。敬。業。皇。唐。
舊。族。公。侯。冢。子。奉。先。君。之。遺。訓。荷。本。朝。之。厚。恩。
宋。微。子。之。興。悲。良。有。以。也。桓。君。山。之。流。涕。豈。徒。
然。哉。是。以。氣。感。風。雲。志。安。社。稷。因。天。下。之。失。望。

遂。四。海。之。推。心。爰。舉。義。旗。以。清。妖。孽。南。連。百。粵。
北。盡。三。河。鐵。騎。成。羣。玉。軸。相。接。海。陵。紅。粟。倉。儲。
之。積。匪。窮。江。浦。黃。旌。匡。復。之。功。何。遠。班。聲。動。而。
北。風。起。劍。氣。衝。而。南。斗。平。喑。鳴。則。山。岳。崩。頽。叱。
咤。則。風。雲。變。色。以。斯。制。敵。何。敵。不。摧。以。斯。攻。城。
何。城。不。克。公。等。或。居。漢。地。或。叶。周。親。或。膺。重。寄。
于。爪。牙。或。受。顧。命。于。宣。室。言。猶。在。耳。忠。豈。忘。心。
一。坏。之。土。未。乾。六。尺。之。孤。安。在。儻。能。轉。禍。為。福。

駢麗之作自是
文之一体武后
覽其文而稱其
才歸咎宰相后
不能鑒賞如此

揚慎曰唐書武
后之世不見有
征雲南事余觀
駱賓王集頗見
其事膏車秣馬
詩鄉邑蒸鬱西
南吏叩焚此賓

王亦送宜于蜀
也行路難云去
去指危字行
入不毛則從征
之事也其姚州
道露布云浮竹
遺胤沈木餘苗
又云三肱崙鎮
此山即南中巨
防也

送往事居。共立勤王之師。無廢大君之命。凡諸
一作司
爵賞。同指山河。若眷戀窮城。徘徊歧路。坐昧先
幾之兆。必貽後至之誅。請看今日之域中。竟
是誰家之天下。

姚州道破逆賊諾沒弄楊虔柳露布

尚書兵部臣聞北極列象。六合奉天子之尊。南
面乘乾。一統成聖人之業。是知衣裳所會。義有
輯于殊隣。霜露所均。誠有育于異類。故塗山萬

國。誅後至者。防風丹浦一戎。緩前禽者。就日然
則利弧矢以威天下。法雷霆以震域中。四時行
焉。天道不能去殺。五兵備矣。皇業所以勝殘。雖
事切救焚。苟順時以濟物。恩深祝網。不獲已而
用兵。伏唯皇帝陛下。登翠媯以握圖。居紫微而
正象。玄功不宰。混太始以凝神。至道無名。佇華
胥而得夢。闡文教以清中夏。崇武功以制九夷。
環海十洲。通波太液之水。鄧林萬里。交影甘泉。

王世貞曰文章
獻排偶獨露布
與檄文須如此
藻麗方是名家
故六朝与初唐
諸作相為雁行
令人至今口噴
噴尔
三門謂謀言兵
殺音脫鼓疑與
攘奪同

肚音毀

陰靈月也陽鳥
日也

之樹。及踵穿胸之域。襲冠帶以來王。奇眩僭耳
之首。奉正朔而請吏。逆賊蒙儉和舍等。浮竹遺
胤。沈木餘苗。邑殊禮義之鄉。人習貪殘之性。日
者皇明廣燭。帝道遐融。頗亦削左衽而被朝衣。
解推髻而昇華冕。而豺狼有性。梟獍難馴。遂敢
亂我天常。變九隆而背誕。負其地險。携七部以
稽誅。搔亂邊疆。跋釁州郡。是用三門授律。長馳
無戰之師。五月渡瀘。深入不毛之地。去月二十

日。軍次三肚峯鎮。前後捕得生口。知守促山差
傍山連結十部。蠻有徒五萬眾。此山即南中之
巨防也。崗巒千里。西通大荒之郊。溪谷萬重。南
極炎洲之境。聳喬林而插月。陰靈有假道之標。
拔崇巖以隱天。陽鳥無翅翼之地。峯危東馬路。
絕懸車。賊踞臨代之形。垂建甌之勢。徵風召雨。
蜩起蜂飛。驅雜種以挺災。封狐千里。肆沈黎而
作孽。雄虺九頭。臣以為制敵以權。柔遠者底成。

拍鹿行軍之次
井、有條

于德。教伐叛以義。決勝者不在乎干戈。於是廣
布皇恩。恭宣帝澤。申之以安撫。曉之以存亡。信
重。蠻貊。無負黃龍之約。賞隆漢爵。不踰白馬之
盟。而地接冉驩。詞屢。殫于喻蜀。俗通槃瓠。聲不
輟于吠堯。臣遣左二軍子總管寧遠將軍劉玄
暉等。啣枚遠襲。卷甲前驅。偃危旆而設潛兵。疑
從天落。乘間道而掩不備。若出地中。又遣某等
陟南山之南。衝其要害之地。又遣某等。凌北山
之北。絕其飛走之途。賊某等。振螳螂之力。拒轍
當輪。從蚊蚋之羣。彌山滿谷。某等。忠勤克著。智
畧遠聞。識明君之重恩。輕生有地。提太阿之神
劍。視死無時。彎弧而兇黨土崩。舉刃而妖徒瓦
解。雖危若沸鼎。未窮梟首之誅。救死扶傷。猶致
析骸之爨。二十二日。臣遣某等。擁貔豹之雄。順
天機而左轉。遣某等。率犀象之卒。乘地軸以右
趨。又遣某等。擁投石超距之材。蹈中權而撫其

背。又遣某等騰躍鐵馱金之騎。犯前茅而扼其喉。臣率某等橫玉弩以高臨。縱金鉦而直進。玄雲結陣。影密西郊。赤莖揮鋒。氣衝南斗。颺塵埃而布地。白日爲之晝昏。積氛稜以稽天。滄溟爲之晦色。兵交刃接。鳥散魚驚。自卯及申。追奔逐北。斬首千餘級。轉戰三千里。激流膏而爲泉。似變萇弘之血。委亂骸而擠壑。若泛鼈靈之屍。旣而照盡高春。雲昏一夜。賊乃收集餘衆。保據重岩。臣度彼遊魂慮其宵遁。命三軍齊進。四面合圍。二十三日乘魚爛之危。啟蛇形之陣。揚麾誓衆。仗節訓兵。一鼓先登。賞必懸于芳餌。九攻按律。罪無赦于嚴誅。五部雄材。三河俠少。或生居燕地。尤攻卽墨之圍。或家本秦人。早習昆明之戰。叱咤則江山搖蕩。慷慨則林壑飛騰。舉鵬力以揚威。耀犀渠而賈勇。澄氛廓稜。同夏景之潰。春冰滅迹。掃塵若霜。風之卷秋。箨戰踰百里。時

揚慎曰觀此露布及代越州道李義深親帥將文乃知始雖小勝終亦敗焉時不書者蓋當時不以問也唐之敗于南路不止揚國忠而定隱薇武后之世已然矣

歷三朝。前後生擒四千餘人。斬首五千餘級。諾沒弄楊虔柳等。殞元行陣。懸首旌門。蒙儉和舍等。委衆奔馳。脫身挺險。雖復刑以止殺。丁壯咸服于誅夷。禮不重傷。班白必存于寬宥。昔魏臣賦蜀。徒聞蒟醬之奇。漢使開邛。纔通竹杖之利。豈若膺紫泥而弔伐。指丹微以臨戎。一戰而孟獲成擒。再舉而哀牢授首。斯竝皇威遠暢。廟畧遐宣。奉玄猷以配天。徒知帝力。掩皇輿而闡地。豈曰臣功不勝慶快之至。謹奉露布以聞。

又破設蒙儉露布

臣聞七緯經天星墟。分張翼之野。八紘紀地。炎洲限建木之鄉。西距大秦。襍金行而布氣。南通交趾。枕銅柱以爲隣。俗帶白狼。人習貪殘之性。河淪赤虺。川多風雨之妖。水積炎蒸。山涵毒霧。竹浮三節。肇興外域之源。木化九隆。頗作中國之患。年將千祀。代歷百王。鄭純之化。不追孟獲。

萃音鑿西南夷
國名

登皇踐帝字秀
玄雲綠錯總形
容禎瑞之象不
必求所指

黃青進布也
此語言外夷無
曆日惟以風月
為占候
赤標未提皆南
中地名

之風逾煽。三年疲衆。徒聞定作之譏。五月出師。
未息渡瀘之役。然則大人拯物。上聖乘期。法乾
坤以握樞。體剛柔而建極。知仁義不能禁暴。設
刑網以勝殘。知揖讓不可濟時。用干戈而靜亂。
伏唯皇帝陛下。祥摛戴玉。拓地軸以登皇。道契
寢繩。掩天紘而踐帝。玄雲入戶。纂靈瑞于丹陵。
綠錯昇壇。薦禎圖于翠渚。垂衣裳以朝萬國。崇
玉帛而禮百神。昭儉防奢。露臺惜中人之產。宣

風布政。明堂法上帝之宮。致羣生于太和。登品
物于仁壽。四神踐雪。五老飛星。君囿祥麟。樂班
文于仙卉。女牀鳴鳳。韻歸昌于帝梧。四隩同文。
五風異色。鄧林萬里。纒疏苑囿之基。曾城九重。
未出池隍之域。六合照臨之地。候月歸琛。大鑪
覆載之間。占風納賚。蠢茲蠻貊。敢亂天常。橫赤
標以疏疆。背未提而設險。山林萬仞。岩邑十尋。
望秦阜以相傾。峭陵失四塞之阻。對梁山而錯

以雞鹿影說文
思焉甚

峙劍門成一簣之舉。自謂絕壤遐荒。中外足以
迷聲教。憑深負固。江山可以逃靈誅。不知玉弩
垂芒。涸水無九嬰之沴。瑤階舞戚。洞庭有三苗
之墟。臣等謬以散材。忝專分閫。自白招乘侯。順
秋帝以揚旌。絳節臨邊。通夜郎而解辯。雲開雋
穴。旆轉邛川。峻岐折坂之危。盡忘襟帶。滇池漏
江之固。曾莫藩籬。惟逆賊設蒙儉等。未革狼心。
仍懷豕突。陵梁方命。旅拒偷生。地接祠雞。竟無
希於改旦。山多神鹿。終未息于擇音。臣以大帝
宣威。有征無戰。明王仗順。先德後刑。加聖澤于
中孚。緩天誅于大造。庶南薰解愠。仰雲闕以翔
魂。東徙變音。扣轅門而頓顙。而祝禽疎網。徒開
三面之恩。毒虺挺妖。逾肆九頭之暴。乃鳩集餘
衆。蟻結兇徒。僭耳椎髻之渠。千里霧合。鑿齒雕
題之孽。一呼雲屯。凌石齒以開營。拒巖椒而峻
壘。崇巒切漢。若登藏寶之山。絕壑憑霄。似駭封

石齒曰之嶺
巖山嶺曰椒

泥之谷。以某月某日。連營布陣。踞險揚兵。東西三十里。馬步二十萬。聚蚊蚋而成響。聲若雷霆。縱蛇豕以爲羣。氣橫宇宙。臣遣某等擁拔山超海之雄。當其步陣。遣某等驅躍景騰雲之騎。承其馬軍。遣某等領勁卒一千。絕其飛走之路。遣某等勒精兵九百。斷其潛伏之軍。臣率某等負霜戈而直進。指雲陣以長驅。庶令斬馘七禽。戰士挾雷公之怒。伏屍百里。蠻夷識天子之威。于是三畧訓兵。五申誓衆。先登陷敵。無遺大樹之功。後拒亂行。必致曲梁之罰。楚人三戶。蜀郡五丁。氣擁玄雲。精貫白日。喑鳴則乾坤搖蕩。呼吸則林壑飛騰。列旗幟以雲舒。似長虹之東指。橫劍鋒而電轉。疑大火之西流。刃接兵交。洞胸達腋。自辰踰午。魚爛土崩。沸殘息于層峯。更切守陣之哭。積員顛于重阜。殆成京觀之封。唯賊帥夸干。未悟傾巢之兆。敢懷拒轍之心。獨率馬軍。

語云憑君莫話
封侯事一將成
以萬骨枯此文
見解

平川轉關。驚塵亂走。六合爲之變光。殺氣相稽。
四溟由是變色。副總管李大志。忠唯狗國。義則
忘軀。臨危而貞節逾明。制敵而神機獨遠。丹誠
自守。雖九死其如歸。白刃交前。豈三軍之可奪。
投袂則妖徒霧廓。舉旗而兇黨山崩。于是乘利
追奔。因機深入。因獸猶鬪。如戰廩君之魂。窮鳥
尚飛。似驚杜宇之魄。斬甲卒七千餘級。獲裝馬
五千餘匹。僵尸蔽野。臨赤坂而非遙。流血灑途。

視丹微以何遠。首領和舍等。竝計窮力屈。面縛
軍門。寬其萬死之誅。弘以再生之路。唯蒙儉脫
身。鋌險負命窮山。顧巢穴而匪依。迹晷漏而何
幾。况妖徒革面。微外非復他人。部落離心。舟中
皆爲敵國。瞻言梟首。指日可期。凡在歸降。隨事
招撫。與之更始。復其故業。首丘懷戀。疑臨舊國
之墟。安堵識家。似入新豐之邑。然後班師薩水。
振旅禺山。建玄黓于武功。暢鴻猷于文教。庶荒

薩水一作
遜水

阪襲中原之禮。邊疆息外戶之虞。華封祝堯。兆
皇。基千千載。夷歌頌漢。美王澤于三章。豈與夫
天帝前星。廣賜秦公之冊。坤元益地。遙開王母
之圖。蓋亦有云。曾何足紀。斯竝玄謨。廣運廟畧
遐覃。一戎而荒。憬肅清。再鼓而邊隅底定。豈臣
等提戈擐甲。克全百勝之功。仗節揚麾。能通九
變之策。詣藁街而獻旅。大帝成規。聞杖杜以勞
旋。小臣何力。不勝慶快之至。謹遣行軍司馬梁
大辟。奉露布以聞。

讀義烏檄文露布諸篇英風義槩砥柱頽波
大節清名雞鳴夙雨所謂原忠義之心而發
忠節之論者真唐之高士也

對一作聽
劉辰翁曰好

劉辰翁曰五凋
語勢
李攀龍曰無末
二句六白結得

駱集補遺

靈隱寺

鷲嶺鬱岩峩。龍宮鎖寂寥。樓觀滄海日。門對浙
江潮。桂子月中落。天香雲外飄。捫蘿登塔遠。剝
木取泉遙。霜薄花更發。水輕葉互凋。風齡尚遐
異。搜對滌煩囂。待入天台路。看余度石橋。

此詩不見賓王集。乃見古本。非後人所哀次。
而此詩已自錄于集中。賓王之不死。亦一證。

駱集補遺



也。

胡應麟曰靈隱寺詩舊傳賓王續成王元美謂詳其格調自當屬宋最為得之然本事詩但稱樓觀滄海日二句為駱未云僧所贈句乃一篇警策即餘皆宋作甚明觀聽二字自是垂拱作法駱果為僧未可知也

江盈科曰唐人登眺之詩皆與山川相稱中間聯句真是移動不得如題杭州天竺寺云樓觀滄海日門對浙江潮題金山寺云樹影中流見鐘聲兩岸聞題洞庭湖云氣蒸雲夢澤波撼岳陽城題黃鶴樓云晴川歷歷漢陽樹芳草淒淒鸚鵡洲絕與景稱

駱賓王李敬業論

郭子章

世之以成敗論人者曰裴行儉知人李世勣知孫賓王敬業俱以敗誅嗟乎武曌司晨唐社已屋起兵檄讀未竟使人歎歎不能仰視世勣之相敬業曰敗我家者必此孫也因獵而焚之敬業裹身死馬浴血而出誅武一師凜乎義旗世勣得此孫足蓋向日立武之愆家即不血食忠貞二曜名垂千禩所以光李氏大矣裴之黜駱

焦按曰成敗論人古今通弊如此設論高出古人卓越今代張曰觀口是論人但知其為窳王敬業洗冤耳第不知其誅武代既死刑偽周諸奸雄之骨已寒其用意深且遠矣

日○士○先○器○識○後○文○藝○駱○賓○王○文○藝○流○耳○茲○檄○也○
疾○風○勁○草○板○蕩○忠○臣○豈○譚○天○雕○龍○之○士○所○能○辦○
哉○比○之○三○仁○二○龔○何○多○遜○焉○野○史○載○二○公○解○甲○
衣○緇○鴻○冥○鳳○舉○允○若○茲○則○大○忠○沉○智○又○非○夫○人○
所○能○窺○測○萬○一○者○當○唐○周○改○革○之○際○薦○紳○聯○袂○
屈○膝○簪○珥○廣○陵○之○舉○差○強○人○意○而○徒○以○忠○臣○不○
幸○之○績○成○闢○者○知○人○之○鑑○則○士○必○呶○嗚○脂○韋○而○
後○稱○良○子○孫○必○金○張○許○史○老○死○牖○戶○而○後○稱○孝○
也○是○夷○齊○非○孤○竹○賢○子○而○翟○義○真○莽○賊○也○故○行○
儉○世○勸○之○識○末○矣○

駱賓王本傳

唐書宋子京云駱賓王義烏人七歲能賦詩初
爲道王府屬嘗使自言所能賓王不答歷武
功主簿裴行儉總管洮州表掌書記不應調
長安主簿武后時數上疏言事下除臨海丞
鞅鞅不得志棄官去徐敬業舉義署爲府屬
爲敬業傳檄天下斥武后罪狀后讀但嬉笑
至一杯之土未乾六尺之孤安在矍然曰誰

爲之或以賓王對后曰宰相安得失此人敬業敗賓王亡命不知所之中宗時詔求其文得數百篇

附錄

唐魯國郗雲卿曰駱賓王婺州義烏人七歲能屬文高宗朝與盧照隣王勃楊炯文詞齊名海內稱焉號爲四傑仕至侍御史後以天后卽位頗貢章疏諷諫因得罪貶臨海丞文明中與李敬業起義廣陵事不捷逃遁文集悉皆散失後中宗朝降勅搜訪賓王詩筆令雲卿集焉所載卽當時之遺漏凡十卷

唐孟啓本事詩云宋考功之問以事累貶黜後
放還至江南遊靈隱寺夜月極明長廊吟行
且爲詩曰鷲嶺鬱岩峩龍宮閉寂寥第二聯
搜奇思終不如意有老僧點長明燈坐大禪
床問曰少年夜久不寐而吟諷甚苦何耶之
問答曰弟子業詩偶欲題此寺而興思不屬
僧曰試吟上聯卽吟與之再三吟諷因曰何
不云樓觀滄海日門聽淞江潮之問愕然訝

其道麗又續終篇曰桂子月中落天香雲外
飄捫蘿登塔遠剝木取泉遙霜薄花更發米
輕葉未凋待入天台路看余度石橋僧所贈
句乃爲一篇之警策遲明更訪之則不復見
矣寺僧有知者曰此駱賓王也之問詰之曰
當敬業之敗與賓王俱逃捕之不獲將帥慮
失大魁得不測罪時死者數萬人因求戮類
二人者函首以獻後雖知不死不敢捕送故

敬業得爲衡山僧年九十餘乃卒賓王亦落髮徧遊名山至靈隱以同歲卒當時雖敗且以匡復爲名故人多護脫之

宋劉定之先生云徐敬業與駱賓王兵敗賓王亡命爲僧往來靈隱寺宋之間至寺夜吟鷲嶺鬱岩堯龍宮閉寂寥久無下韻賓王隔壁朗吟以終其篇之間大駭質明求見則遁矣敬業亦脫去爲僧衡山黃巢旣敗脫身爲僧

依張全義于洛陽曾繪已像題詩云記得當年草上飛鐵衣着盡着僧衣天津橋上無人識獨倚欄杆看落揮人見其像識其爲巢古今若此脫身者多矣史豈盡得其實也

唐詩紀事云世稱王楊盧駱楊盈川之爲文好以古人姓名連用如張平子之略談陸士衡之所記潘安仁宜其陋矣仲長統何足知之號爲點鬼簿賓王文好以數對如秦地重關

一百二漢家離宮三十六人號爲筭博士帝
京篇曰倏忽搏風生羽翼須臾失浪委泥沙
賓王後與徐敬業興兵揚州大敗逃死此其
讖也

本朝新都楊升庵云孔北海大志直節東漢名
流而與建安七子並稱駱賓王勁詞忠憤唐
之義士而與垂拱四傑爲列以文章之末技
而掩其立身之大閑可惜也君子當表而出
之

本朝華亭徐獻忠云世傳賓王以文藝被誅傷
哉其言之也夫含宮嚼徵文士之長擊節書
空恒人所畧以賓王才美之士逍遙菴柳之
下豈不暢咏神情而數上書言事武后乃爲
徐敬業傳檄天下悲夫循性而動不顧諱忌
雖古之狂狷何以加之哉或曰樓觀滄海日
門聽浙江潮賓王尚作老僧語殆非誅死也

本朝太倉王鳳洲云盧駱王楊號稱四傑詞旨
華靡固沿陳隋之遺骨氣翩翩意象老境超
然勝之五言遂爲律家正始內子安稍近樂
府楊盧尚宗漢魏賓王長歌雖極浮靡而綴
錦貫珠滔滔洪遠故是千秋絕藝蕩于從軍
獻吉改爲歌行遂成雅什子安諸賦皆歌行
也爲歌行則佳爲賦則醜

文獻通考陳氏曰其首卷有魯國却雲卿序言
賓王光宅中廣陵亂伏誅莫有收拾其文者
後有勅搜訪得四五本卷數亦同而次序先
後皆異序文視前加詳而云廣陵起義不捷
而道本傳亦言敗而亡命不知所終與蜀序
合

晁氏曰賓王妙于五言詩

容齊洪氏隨筆曰王勃等四子之文皆精切有
本其用駢儷作記序碑碣蓋一時體格如此

而後來頗議之杜詩云王楊盧駱當時體輕
薄爲文哂未休爾曹身與名俱滅不廢江河
萬古流正謂此耳身名俱滅以責輕薄于江
河萬古流指四子也

茅鹿門曰賓王才子也流落不偶遂與業同
事議者謂其器識不足因陷禍亡夫臣復大
事賓王奮身草檄聲忠義于天下真有用文
章視楊子雲班孟堅蔡中郎輩霄壤矣

藝苑雌黃云駱丞一杯之土未乾此是用漢史
語前漢張釋之傳云假如愚民取長陵一杯
土陛下何以加其法乎顏師古注云杯步候
反謂以手掬也其字從手不忍言毀徹故止
言取土耳今學者讀爲杯勺之杯非也夫杯
豈盛土之物哉

王元美曰唐人紀宋延清二事吾皆疑之其一
謂延清夜投靈隱寺得句云鷲嶺鬱岩峩龍

宮鎖寂寥屬吟甚苦一老僧云少年何不言
樓觀滄海日門聽浙江潮遂終篇跡之乃賓
王也其二謂劉希夷去年花落顏色改今年
花開復誰在延清愛而欲有之不許遂以土
囊壓殺之夫落花句雖自妍宛要非至者延
清自多佳境何至苦欲得之其與賓王年事
不甚相遠賓王又有江南贈宋五之問及堯
州餞別詩何得言非舊識若賓王果爲老僧

而之問後謫過杭亦且老矣不得呼少年止
由二詩並見集中而好事者欲以證希夷之
橫死賓王之倖生故令延清受此長誣耳

臨川桂天祥曰唐初盧駱王陽始變古體而爲
聲律雖破荒之始音節未完氣格韻調自爾
曠逸後諸公因之變化流風遺響卓越萬代
者青出于藍而青于藍也

又曰評四才子詩不可摘字句看要須識大體

方見他好處

眉公陳繼儒曰駱丞當六朝之後四六稱極麗者其啓之工處又不在實字上見奇乃在虛字上見巧

華玉顧璘曰自六朝來正聲沉靡四君子一變而開唐音之端卓然成家觀子美之詩可見矣

跋

衡讀駱義烏集見其展懷志贈未嘗不乃枕易水則曰此固慷慨負義高氣節者也廣陵起義雖未必自臨海阻抑激憤為雄而晨牝索家漸揭本株傳極數鼻亦令此時有氣大振殆異乎嘗以爲肥體者矣其法篇什頗有豔情雖云以靡前响亦稱別架唐聲至誦致逸心默

神幽體輕之詞則豈徒擬字花而理之字語
悖夫勢牽于人道宗于家之在也豈徒有
醜後而情巨及真苟但曰三策道美大可膾
炙則索致者且或厭其層儷而取於前者思
得竊其半竊者也于時廣川此集而坊
肆競鑄冀得偽售破折字句滂贅汗
濁殊生機憎偶得此舊收取其白文便讀
即訂行之伏月辰至王衡書



駱侍御文集

收以質子載于一時字性走離蟲
之技也歟哉必有淳本其為文
人毛髮灑然而樞文亦奮以足
而拊心也者唐故多主以所稱

四傑身駱估清在言其文兼美頌
宣室高而和臺石高遠禮諸
公知之古今眩矣之矣及一坏六尺
兩涘維淑孝民怒而終以反正至
是而孝民之估清也當是時人

皆稱快則尚時知侍御也於今
讀聖掇者無不挹其生象於于
今生估清也知估御者固在此不
在彼已去估清一代作者之象傳不
調者十或繼又負跡遺以誦海丞

文人如遇大率持也信以之是以臨
海而益彰道何窮未信信也文人
之不遇而功業在成敗之智者一
信信已年特惜去求文之諾亦遠之
乎信信之通中宗之知信信也信

友

乙卯友曉菴居士湯賓尹教

